

經

佛母出生波羅密縛

十九之
二十九

薄

C40

4514

92



6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

C 40-45-14

了翁上人書大藏久有
家書置武州紫雲山
移微笑塔院於眉中未
為學者不敢許出院門
當出世鑑牛機謹識



B 64853

佛母出生三法藏般若波羅蜜多經卷第十九
宋北天竺三藏朝奉大夫試光祿卿傳法大
師施護等奉詔譯
善巧方便品第二十之二
爾時世尊告尊者須菩提言我今復說不退轉菩薩
摩訶薩種種相貌汝當諦聽如善作意須菩提言善
哉世尊願樂欲聞佛言須菩提若菩薩摩訶薩乃至
夢中亦不愛樂聲聞緣覺之地亦不生彼住三界心
須菩提有是相者當知是爲不退轉菩薩摩訶薩相
復次須菩提若菩薩摩訶薩於其夢中見百千俱胝

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

那庾多數菩薩聲聞人天大衆恭敬圍繞如來應供
正等正覺聽其說法須菩提若彼夢中見是相者當
知是爲不退轉菩薩摩訶薩相復次須菩提若菩薩
摩訶薩於其夢中自見其身處虛空中爲人說法及
見自身放大光明化慈芻相往彼他方諸世界中施
作佛事及爲說法須菩提若彼夢中見是相者當知
是爲不退轉菩薩摩訶薩相復次須菩提若菩薩摩
訶薩於其夢中見州城聚落悉爲火焚一切破壞諸
惡蟲獸四散馳走一切人衆皆大驚怖生苦惱心菩
薩見已不驚不怖從夢覺已作是思惟三界無實皆

悉如夢願我當得阿耨多羅三藐三菩提時以如是
法爲衆生說須菩提若彼夢中見是相者當知是爲
不退轉菩薩摩訶薩相復次須菩提若菩薩摩訶薩
於其夢中見地獄中有諸衆生隨受衆苦菩薩見已
作是思惟願我當得阿耨多羅三藐三菩提時佛剎
清淨無有地獄乃至不聞其名況復可見又須菩提
若菩薩摩訶薩於其夢中見諸餓鬼受饑渴苦菩薩
見已作是思惟願我當得阿耨多羅三藐三菩提時
佛剎清淨無有餓鬼乃至不聞其名況復可見又須
菩提若菩薩摩訶薩於其夢中見諸畜生受極重苦

9 7 8 9 10 1 2 3 4 5 6 7 8 9 20 1 2 3 4

卷二

佛說法華經卷第二

二

卷二

二

菩薩見已作是思惟願我當得阿耨多羅三藐三菩提時佛刹清淨無有畜生乃至不聞其名況復可見須菩提若彼夢中見是相者當知是爲不退轉菩薩摩訶薩相復次須菩提若菩薩摩訶薩於諸方處或見州城聚落忽爲火焚菩薩見已卽作是言如我夢中先所見相等無有異我若已得安住不退轉者願我以是實語力故速令此火自然息滅不復展轉偏諸方處須菩提彼菩薩作是言已卽時若能火自息滅當知是菩薩已從先佛如來應供正等正覺所得授阿耨多羅三藐三菩提記已住不退轉地若菩薩

作是言已火不滅者當知是菩薩未得授記未能安住不退轉地又須菩提若或是火不能滅已而復焚燒諸餘方處從一舍至一舍從一里至一里如是展轉火不滅者當知是處衆生先世有破法重罪彼之餘殃今世現受須菩提以是因緣若菩薩摩訶薩隨願能滿者當知是爲不退轉菩薩摩訶薩相復次須菩提若有男子女人等或爲非人所執魅者是時菩薩見是事已卽作是言若我已於先佛如來應供正等正覺所得授阿耨多羅三藐三菩提記深心清淨爲欲成就阿耨多羅三藐三菩提故遠離聲聞緣覺

之心所行清淨我當決定於阿耨多羅三藐三菩提是所應得非不應得又今十方無量阿僧祇世界諸佛世尊現在說法者彼諸如來應供正等正覺無所不知無所不見無所不了無所不證無所不得是諸佛世尊若知我深心決定成就阿耨多羅三藐三菩提者願我以是實語力故令彼非人捨離遠去其所執魅若男若女速得解脫若菩薩作是語時而彼非人不卽遠去其所執魅未得解脫者當知是菩薩未從先佛如來應供正等正覺所得授阿耨多羅三藐三菩提記未住不退轉地須菩提若菩薩作是語時而彼非人卽速遠去其所執魅卽得解脫者當知是菩薩已從先佛如來應供正等正覺所得授阿耨多羅三藐三菩提記已得安住不退轉地

辯魔相品第二十一

復次須菩提亦有初住大乘諸菩薩等見是男子女人爲彼非人所執魅時卽作是言若我已於先佛如來應供正等正覺所得授阿耨多羅三藐三菩提記者願我以是實語力故令彼非人捨離遠去其所執魅若男若女速得解脫作是語已時彼惡魔隱伏其形來菩薩所潛以魔力卽令非人捨離而去何以故

諸惡魔力勝非人故由是非人力不能爲捨離而去
爾時菩薩不能覺知斯爲魔力但作是念我從先佛
已得授記已能安住不退轉地何以故隨我所願卽
得成就彼諸菩薩未得授記無是力故菩薩於此起
增上慢及諸慢心由慢心故增長貢高以貢高故輕
易惡賤諸餘菩薩自謂已從先佛得記餘悉未得從
佛授記由此因緣遠離佛無上智自然智一切智一
切智智乃至遠離阿耨多羅三藐三菩提菩薩於此
若不親近諸善知識不得善法而爲開導爲諸惡友
共所護助於自身心又復不具善巧方便增上慢心
轉復堅固以是因緣爲魔所縛不能解脫於二地中
墮墮一處若聲聞地若緣覺地須菩提如是相者是
彼初住大乘諸菩薩等以少見少聞故不能親近諸
善知識不得般若波羅蜜多善巧方便力所護故以
小因緣增長慢心乃至遠離阿耨多羅三藐三菩提
須菩提是故當知斯亦名爲菩薩魔事復次須菩提
有諸惡魔復以名字因緣壞亂諸菩薩摩訶薩云何
爲名字因緣所謂惡魔化諸異相或時來詣彼菩薩
所作如是言菩薩當知汝父如是名母如是名餘親
里朋友各各如是名字乃至七世大祖父母各如是

名汝於某方某處某國某城某族所生其姓某氏又復若性柔軟剛猛性緩性急根利根鈍惡魔卽時一能說又作是言汝於先世亦曾修習頭陀功德所謂受阿囉拏法常行乞食著糞掃衣飯食已後不復飲漿常一坐食常隨敷座但持三衣住尸陀林坐於樹下坐於空地常節量食常坐不卧具修如是頭陀功德又復少語喜足遠離憒鬧若語言時柔軟可愛乃至不受塗足油等汝於先世具修如是種種功德今世亦有如是功德見法知法汝已決定於先佛如來應供正等正覺所得授阿耨多羅三藐三菩提記安住不退轉地何以故汝已具有諸功德故汝既具足如是功德相貌是故應知於先佛所已得授記爾時菩薩聞是語已卽作是念我已從彼先佛如來應供正等正覺所得授阿耨多羅三藐三菩提記已是安住不退轉者何以故今此所說我有如是頭陀功德誠無異故是時惡魔知彼心所念已又復別化種種異相所謂苾芻苾芻尼優婆塞優婆夷婆羅門長者乃至菩薩父母兄弟親里朋友隨所化已住菩薩前咸作是言汝從先佛如來應供正等正覺所已得授阿耨多羅三藐三菩提記已住不退轉地何以故

汝已具足如是功德相貌故須菩提彼菩薩聞諸化人如是語已不能覺知是魔所化卽時起增上慢及諸慢心由慢心故增長貢高以貢高故輕易惡賤諸餘菩薩自謂已從先佛得記餘諸菩薩悉所未得從佛授記由此因緣遠離佛無上智自然智一切智一切智乃至遠離阿耨多羅三藐三菩提菩薩於此若不親近諸善知識不得善法而爲開導爲諸惡友共所護助於自身心又復不具善巧方便增上慢心轉復堅固是菩薩於二地中隨墮一處若聲聞地若緣覺地須菩提我先所說不退轉菩薩摩訶薩真實相貌而此菩薩不能成就不能安住不得般若波羅蜜多力所護助由此因緣爲魔所縛須菩提是故當知斯亦名爲菩薩魔事復次須菩提有諸惡魔復以名字因緣壞亂諸菩薩摩訶薩此復云何所謂惡魔或時化現諸苾芻相來菩薩所作如是言汝當得阿耨多羅三藐三菩提時名字如是而彼苾芻所說名字與其菩薩本所願樂得菩提時名字無異是菩薩以無智故又復不具善巧方便聞此語已卽作是念今此苾芻快哉所說我得阿耨多羅三藐三菩提時名字如我所願無異無別我今無復起諸疑惑是時

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

菩薩作是念已隨魔所化苾芻語言而生信受以是因緣爲魔所著魔所著故起增上慢及諸慢心由慢心故增長貢高以貢高故輕易惡賤諸餘菩薩自謂已從先佛得記餘諸菩薩悉所未得從佛授記由此因緣遠離佛無上智自然智一切智一切智智乃至遠離阿耨多羅三藐三菩提菩薩於此若不親近諸善知識不得善法而爲開導爲諸惡友共所護助於自身心又復不具善巧方便增上慢心轉復堅是菩薩於二地中隨墮一處若聲聞地若緣覺地須菩提我先所說不退轉菩薩摩訶薩真實相貌而此菩

薩不能成就不能安住不得般若波羅蜜多力所護助由此因緣爲魔所縛須菩提是菩薩應當悔捨如先所起種種慢心菩薩設能悔是心已亦復久久墮生死中若復後時得善知識而爲開導還因般若波羅蜜多故漸能趣向阿耨多羅三藐三菩提何以故菩薩起諸慢心罪極重故譬如苾芻犯四根本最極重罪若一若二卽非沙門非釋種子菩薩以名字因緣起諸慢心其所獲罪亦復如是須菩提且置是四根本罪當知所有五無間罪最極深重若菩薩以名字因緣起諸慢心者其所獲罪過復深重而此菩薩

是卽名爲大無方便不能如應覺了魔事須菩提是故當知彼諸惡魔能以如是微細因緣作彼魔業壞亂諸菩薩摩訶薩菩薩於此應當覺知覺已遠離復次須菩提若菩薩摩訶薩狀彼憒闇樂欲遠離時諸惡魔卽化異相來菩薩所作如是言若遠離者應當往彼山巖樹下空寂曠野如是修習是真遠離此遠離行佛所稱讚須菩提我不說諸菩薩摩訶薩住山巖樹下空寂曠野是真遠離須菩提白佛言世尊若菩薩摩訶薩住山巖樹下空寂曠野不名遠離者復有何相說名菩薩摩訶薩是真遠離佛告須菩提言

若菩薩摩訶薩行般若波羅蜜多有善巧方便爲一切衆生行大慈大悲行遠離聲聞緣覺之心雖近聚落亦名遠離或在山巖樹下空寂曠野亦名遠離須菩提諸菩薩摩訶薩若能遠離聲聞緣覺心者是真遠離如是遠離我所聽許菩薩應當於晝夜中常修如是真遠離行須菩提若如惡魔所讚菩薩但住山巖樹下空寂曠野爲遠離者而彼菩薩雖如是遠離不能遠離聲聞緣覺之心非真遠離雖修般若波羅蜜多不能圓滿一切智智當知是爲雜亂行者身語心業不得清淨無慧方便無大悲行由自三業不清

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

淨故而返於彼近聚落住者生輕慢心須菩提彼菩薩雖近聚落非雜亂行何以故以能遠離聲聞緣覺心故身語心業皆悉清淨有慧方便具大悲行雖近聚落是真遠離若於如是修真遠離行者返生輕慢當知是菩薩雖得禪定解脫神通智慧三昧等法而亦不具善巧方便須菩提菩薩雖在百由旬外曠野空寂等處縱經一歲百歲乃至百千俱胝那庾多歲設過是歲修遠離行終無利益如我所說真遠離行彼不能知不能深固安住阿耨多羅三藐三菩提心無善巧方便但以寂靜爲真遠離若求佛道者貪著

依止如是遠離我不聽許亦不能令我心生喜何以故如我所說遠離行中卽不見有如是遠離行人名真遠離又須菩提有諸惡魔見彼住空寂處修遠離行者卽到其所於虛空中作如是言善哉善哉善男子汝所修者真遠離行如來稱讚汝修是行故令汝速得阿耨多羅三藐三菩提是菩薩聞空中聲所稱讚已從彼空寂曠野等處來至聚落見餘菩薩柔和順修持梵行遠離聲聞緣覺之心三業清淨者卽起輕慢作如是言汝等是爲憒鬧行者汝所修行非遠離行須菩提彼住空寂菩薩以真遠離行爲憒鬧

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

行以憒鬧行爲真達離行以其過惡故所應恭敬者而返輕慢不應恭敬者而返恭敬何以故彼作是念我住空寂曠野等處有諸非人念我故來助我故來汝近聚落住者何有非人來助念汝作是念已於餘菩薩起輕慢心須菩提當知此人是爲菩薩中旃陀羅菩薩中過惡者菩薩中汙行者是爲形像菩薩亦名賊住沙門亦名沙門形賊亦名不淨法者亦名非禮法者以是相故當知是爲初發心者是故一切世間諸天人等所不恭敬何以故我說彼人是增上慢者須菩提菩薩摩訶薩於如是人不應親近又須菩提若諸菩薩摩訶薩不捨一切衆生愛樂一切智深發阿耨多羅三藐三菩提心爲欲成就阿耨多羅三藐三菩提利益安樂一切衆生者不應親近如是等人須菩提求菩提者於諸魔事常應覺知覺已達離於一切時常生厭離怖三界心但爲利樂一切衆生引示衆生所有正道令諸衆生圓滿正果住法實性又復於諸衆生起大慈心大悲心大喜心大捨心菩薩常作是願願我當於一切時一切處遠離如是一切魔事設或暫起速令除滅須菩提若菩薩摩訶薩能如是學者是菩薩摩訶薩神通智力須菩提當知

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

如是等皆說菩薩摩訶薩覺知魔事真遠離相
善知識品第二十二之一

爾時世尊告尊者須菩提言若菩薩摩訶薩深心欲得阿耨多羅三藐三菩提者應當親近恭敬諸善知識須菩提白佛言世尊有諸菩薩摩訶薩深心欲得阿耨多羅三藐三菩提若能愛樂善知識者云何是菩薩摩訶薩善知識耶佛言須菩提當知諸佛如來是菩薩善知識何以故諸佛能說菩薩行法及諸波羅蜜多敎示菩薩入般若波羅蜜多是故諸佛如來爲菩薩善知識又須菩提般若波羅蜜多是菩薩善知識何以故般若波羅蜜多是諸波羅蜜多畢竟處以般若波羅蜜多爲菩薩善知識故卽六波羅蜜多皆爲菩薩善知識又復六波羅蜜多是菩薩大師六波羅蜜多爲所行正道六波羅蜜多爲世間光明六波羅蜜多爲大法炬六波羅蜜多爲大法光明六波羅蜜多爲真救護六波羅蜜多爲所歸趣六波羅蜜多爲所住舍六波羅蜜多爲究竟道六波羅蜜多爲大洲渚六波羅蜜多爲父爲母乃至阿耨多羅三藐三菩提皆因六波羅蜜多故而能成就又須菩提所有過去諸佛如來應供正等正覺已得阿耨多羅三

藐三菩提已入涅槃者是諸如來皆從六波羅蜜多生所有未來諸佛如來應供正等正覺當得阿耨多羅三藐三菩提者是諸如來亦從六波羅蜜多生干今現在十方無量阿僧祇世界教化衆生諸佛如來應供正等正覺今得阿耨多羅三藐三菩提者是諸如來亦從六波羅蜜多生又三世諸佛一切智亦從六波羅蜜多生何以故諸佛本行菩薩道時皆修習是六波羅蜜多三十七菩提分法四無量行四攝法乃至一切佛法故得阿耨多羅三藐三菩提是諸佛法皆從六波羅蜜多生又佛智自然智不可思議智不可稱量智無等智無等等智亦復從是六波羅蜜多生須菩提是故六波羅蜜多爲菩薩善知識六波羅蜜多爲菩薩大師爲所行正道爲世間光明爲大法炬爲大法光明爲真救護爲所歸趣爲所住舍爲究竟道爲大洲渚爲父爲母乃至出生阿耨多羅三藐三菩提又須菩提若菩薩摩訶薩爲欲利益安樂一切衆生者應學是六波羅蜜多若欲學是諸波羅蜜多者應當於此般若波羅蜜多如理修學解了其義如實思惟如實觀察何以故般若波羅蜜多與五波羅蜜多而爲先導開示顯了故又五波羅蜜多若

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛說出生處經卷第十九

廿一

薄一

離般若波羅蜜多卽不得波羅蜜多名是故須菩提
菩薩摩訶薩若欲不起他信不隨他語者應當修學
是般若波羅蜜多須菩提白佛言世尊何等相是般
若波羅蜜多佛言須菩提無著相是般若波羅蜜多
須菩提言頗有因緣如般若波羅蜜多無著相一切
法亦無著相耶佛言須菩提有因緣如般若波羅蜜多
須菩提言頗有因緣如般若波羅蜜多無著相一切
法亦無著相一切法亦無著相何以故須菩提一切法
多無著相一切法亦無著相空故離故是故須菩提如
般若波羅蜜多無著相亦空亦離須菩提白佛言世
尊若一切法空故離故者云何佛說一切衆生有染
有淨世尊空法中無染無淨離法中無染無淨世尊
卽此空法離法不可得阿耨多羅三藐三菩提異此
空法離法亦無法可得阿耨多羅三藐三菩提世尊
我今不能解如是義願佛世尊爲我宣說佛言須菩
提於汝意云何我我所空不須菩提言如是世尊我我
所空佛言須菩提於汝意云何衆生著我我所故輪
轉生死不須菩提言如是世尊衆生著我我所故輪
轉生死佛言須菩提當知諸染法者但隨衆生所受

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

所著故說名爲染若諸衆生不受不著卽無染可得亦無受染者是故無我我所以無我我所故說名爲淨若諸衆生不受不著亦無淨可得亦無受淨者須菩提以是義故於一切法空中一切法離中說名爲染說名爲淨須菩提諸菩薩摩訶薩行般若波羅蜜多者應如是行須菩提白佛言希有世尊善說斯義於一切法空中一切法離中說染說淨不受不著菩薩摩訶薩行般若波羅蜜多者應如是行世尊若菩薩摩訶薩如是行者是爲不行色不行受想行識若菩薩摩訶薩如是行者普令一切世間天人阿修羅等所共敬伏不爲彼等而能動亂又菩薩摩訶薩若如是行者不雜聲聞緣覺行不住聲聞緣覺地何以故如是行者是無所行而行無所住而住能入佛性入如來性自然智性一切智性世尊如是行者最上無勝與般若波羅蜜多勝行相應是故諸菩薩摩訶薩於晝夜中如是勤行卽能近阿耨多羅三藐三菩提乃至速能成就阿耨多羅三藐三菩提

佛母出生三法藏般若波羅蜜多經卷第十九

音釋

輒而充切

憒鬧

憒古對切亂也鬧奴教切不靜也

旃陀羅

梵語也此云嚴

6 7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4

輶旃諸
廷切

在壬日合添賀開光卷第十九

圭

薄

姑蘇中書舍人徐洛施費刻此
佛母出生經十九卷計字五千七百九十二箇
該銀二兩六錢一分二厘
天啓甲子歲次孟春吉日吳江接待寺識

佛母出生三法藏般若波羅蜜多經卷第二十一第十一

同

宋北天竺三藏朝奉大夫試光祿卿傳法大
師施護等奉詔譯

善知識品第二十二之二

爾時世尊告尊者須菩提言如是如是須菩提菩薩
摩訶薩行般若波羅蜜多若如是行者是爲不行色
不行受想行識如是行者普令一切世間天人阿修
羅等所共敬伏不爲彼等而能動亂如是行者不雜
聲聞緣覺不住聲聞緣覺地如是行者是無所行

四

萬葉集卷第十一

甲二

而行無所住而住能入佛性入如來性自然智性一切智性如是行者最上無勝與般若波羅蜜多勝行相應若諸菩薩摩訶薩於晝夜中如是勤行卽能近阿耨多羅三藐三菩提乃至速能成就阿耨多羅三藐三菩提又須菩提假使閻浮提中一切衆生一一皆得人身悉發阿耨多羅三藐三菩提心發是心已乃至盡壽尊重恭敬供養諸佛又復普於一切廣行布施卽以如是布施功德迴向阿耨多羅三藐三菩提須菩提此諸人等以是因緣得福多不須菩提言甚多世尊甚多善逝佛言須菩提此諸人等以是因緣得福雖多不如菩薩摩訶薩能一日中起般若波羅蜜多相應正念隨其菩薩所起般若波羅蜜多相應正念故能爲一切衆生作大福田何以故菩薩能起平等慈心餘諸衆生無有是心如菩薩摩訶薩者唯除如來慈心具足所以者何諸佛如來應供正等正覺已能圓滿不思議法而常不離慈悲喜捨須菩提云何菩薩能爲衆生作大福田須菩提所謂菩薩因般若波羅蜜多故具足正慧得是慧已見諸衆生如在牢獄受彼繫縛菩薩爾時得大悲心所護助故卽復以淨天眼普偏觀察無量無數無邊衆生見有

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

衆生造無間業者當受苦報墮諸見網不得出離苦
薩如是觀已深發大慈心大悲心憐愍衆生以是大
慈大悲光明普偏照耀而彼菩薩作如是念我當爲
一切衆生作大依怙廣爲一切衆生解脫諸苦作是
念已不住是相亦不住餘相須菩提此名菩薩摩訶
薩大慧光明是卽能爲衆生作大福田若菩薩摩訶
薩如是行者卽不退轉於阿耨多羅三藐三菩提堪
受一切世間信心所施謂飲食衣服臥具醫藥菩薩
雖復受施以一心修習般若波羅蜜多故於彼施者
受者及其所施皆悉清淨得近一切智是故須菩提

諸菩薩摩訶薩若欲不虛受其國中信施若欲引不
衆生所行正道若欲救度衆生脫三界縛若欲拔濟
衆生出輪迴苦若欲開導衆生清淨慧眼者應當發
起般若波羅蜜多相應正念若起是念卽與般若波
羅蜜多言說相應何以故菩薩有所言說皆隨順般
若波羅蜜多念若有所念亦隨順言說卽得不離般
若波羅蜜多是故菩薩於晝夜中不應離是般若波
羅蜜多相應正念須菩提譬如有人得未曾有大摩
尼寶得是寶已心大歡喜後於異時或有因緣而失
此寶須菩提彼人以是緣故心生愁惱憂苦追悔常

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

經
卷之十一

三

海

作是念我今何故失此大寶如是思念無有間斷須
 菩提菩薩亦復如是大法寶者所謂般若波羅蜜多
 菩薩得是般若波羅蜜多大法寶故常起般若波羅
 蜜多相應正念常不離一切智心須菩提白佛言世
 尊若一切法自性空故離故一切念亦空亦離者云
 何佛說菩薩摩訶薩常不離般若波羅蜜多相應念
 耶佛言須菩提若菩薩摩訶薩能如是知一切法自
 性空故離故一切念亦空亦離者即是般若波羅蜜
 多相應正念即是不離一切智心何以故般若波羅
 蜜多空中無增無減故須菩提白佛言世尊般若波
 羅蜜多空中無增無減者菩薩摩訶薩云何能增長
 般若波羅蜜多云何得阿耨多羅三藐三菩提耶佛
 告須菩提言若菩薩摩訶薩行般若波羅蜜多時於
 是中有增有減卽般若波羅蜜多空中亦增亦減若
 菩薩摩訶薩空中無增無減者卽般若波羅蜜多空
 中亦無增無減須菩提菩薩摩訶薩空中無所增減
 故菩薩摩訶薩以是無增減法得阿耨多羅三藐三
 菩提須菩提若菩薩摩訶薩聞是說已不驚不怖者
 當知是菩薩摩訶薩名爲行般若波羅蜜多須菩提
 言般若波羅蜜多相是行般若波羅蜜多不佛言不

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

也須菩提須菩提言般若波羅蜜多空相是行般若
波羅蜜多不佛言不也須菩提須菩提言離般若波
羅蜜多空相有法可行般若波羅蜜多不佛言不也
須菩提須菩提言空可行般若波羅蜜多不佛言不
也須菩提須菩提言離空有法可行般若波羅蜜多
不佛言不也須菩提須菩提言空可行空不佛言不
也須菩提須菩提言色可行般若波羅蜜多不佛言
不也須菩提須菩提言受想行識可行般若波羅蜜
多不佛言不也須菩提須菩提言離色有法可行般
若波羅蜜多不佛言不也須菩提須菩提言離受想
行識有法可行般若波羅蜜多不佛言不也須菩提
須菩提言菩薩摩訶薩當云何行是行般若波羅蜜
多佛言須菩提汝見有法可行般若波羅蜜多不須
菩提言不也世尊佛言須菩提汝見般若波羅蜜多
是菩薩摩訶薩所行處不須菩提言不也世尊佛言
須菩提若法無所得即法不可見是中有生可生有
滅可滅不須菩提言不也世尊佛言須菩提若菩薩
忍者即得授阿耨多羅三藐三菩提記須菩提此名
摩訶薩了如是相即得無生法忍菩薩摩訶薩具是
如來無所畏行菩薩摩訶薩若如是行即得佛無上

6 7 8 9 10 11 12 13 14

15 16 17 18 19 20

21 22 23 24

25 26 27 28 29 30

智廣大智最上利智一切智智如是行者是行者是無處所行須菩提白佛言世尊以是無生法可得授阿耨多羅三藐三菩提記不佛言不也須菩提須菩提當以何法得授阿耨多羅三藐三菩提記佛言須菩提汝見有法可得授阿耨多羅三藐三菩提記不須菩提言不也世尊佛言須菩提汝見有阿耨多羅三藐三菩提是所記不須菩提言我不見是法有所記別亦復不見有授記法何以故一切法無所得故世尊以是義故我知一切法無證是中無證者一切法無得是中無所得

帝釋天主讚歎品第二十三

爾時帝釋天主在大會中卽從座起前白佛言世尊如佛所說般若波羅蜜多最上甚深難可得見難可得聞亦復於中難解難入佛告帝釋天主言僑尸迦如是如是般若波羅蜜多最上甚深難見難聞難解難入僑尸迦如虛空甚深故般若波羅蜜多亦甚深虛空空故般若波羅蜜多亦空虛空離故般若波羅蜜多亦離虛空難見故般若波羅蜜多亦難見虛空難解故般若波羅蜜多亦難解帝釋天主白佛言世尊若有人得是甚深般若波羅蜜多法門聽受讀誦

爲人演說乃至書寫者當知是人具足最上善根佛
言憍尸迦如是如是若有人得此甚深般若波羅蜜
多法門聽受讀誦爲人演說乃至書寫者我說是人
已能具足最上善根憍尸迦於汝意云何正使闇浮
提一切衆生皆得人身一一衆生具修十善彼諸善
男子善女人等以是緣故得福多不帝釋天主言甚
多世尊甚多善逝佛言憍尸迦彼善男子善女人得
福雖多不如有人於此甚深般若波羅蜜多法門聽
受讀誦爲人演說乃至書寫者百分不及一千分不
及一百千俱胝那庾多分筭分數分及譬喻分乃至
烏波尼殺曇分皆不及一爾時會中有一苾芻問是
說已謂帝釋天主言若有善男子善女人暫得聞此
甚深般若波羅蜜多法門而能一念生淨信者當知
是善男子善女人勝過仁者是時帝釋天主謂彼苾
芻言若善男子善女人一發心頃生淨信者尚勝於
我何況廣能聽受讀誦爲人演說乃至書寫又復何
況隨聽受已如所說學如所說行修習相應當知是
善男子善女人修菩薩行勝過一切世間天人阿修
羅等苾芻非但勝彼一切世間天人阿修羅等亦復
勝於須陀洹斯陀含阿那含阿羅漢及其緣覺非但

勝於須陀洹乃至緣覺亦復勝餘菩薩遠離般若波羅蜜多無善巧方便行布施者非但勝彼菩薩如是布施亦復勝餘菩薩遠離般若波羅蜜多無善巧方便持淨戒者非但勝彼菩薩如是持戒亦復勝餘菩薩遠離般若波羅蜜多無善巧方便修忍辱者非但勝彼菩薩如是忍辱亦復勝餘菩薩遠離般若波羅蜜多無善巧方便發精進者非但勝彼菩薩如是精進亦復勝餘菩薩離般若波羅蜜多無善巧方便修禪定者何以故是菩薩摩訶薩聞此甚深般若波羅蜜多法門能如說學能如說行而能具足善巧方便

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

爲護助況復諸餘天子何以故是菩薩能如是學般若波羅蜜多學已能行甚爲希有世間衆生有諸苦惱菩薩已能遠離諸苦於一切處作大利樂世尊此爲菩薩學般若波羅蜜多現世功德爾時尊者阿難卽作是念此帝釋天主快說是語爲自辯才如是說耶爲佛威神所護念耶爾時帝釋天主承佛威神卽知其念謂言尊者當知如我所說皆是世尊威神建立爾時世尊告尊者阿難言如是如是如帝釋天主此所樂說當知皆是佛威神力而爲護念增上慢品

第二十四

爾時世尊復告尊者阿難言當知菩薩摩訶薩修般若波羅蜜多時行般若波羅蜜多時所有二千大千世界一切惡魔皆生疑念菩薩摩訶薩修行是般若波羅蜜多爲當中道取證聲聞緣覺果耶爲當決定直至阿耨多羅三藐三菩提耶阿難彼諸惡魔或時若見菩薩摩訶薩修行般若波羅蜜多故決定直至阿耨多羅三藐三菩提者諸魔卽時憂愁苦惱如箭般若波羅蜜多時有諸惡魔來菩薩所生媿亂心以彼魔力化諸雷雹風雨等相周徧方處欲令菩薩怖

畏散亂乃至欲令菩薩於一念中退失阿耨多羅三藐三菩提心阿難當知惡魔不必普能燒亂一切菩薩阿難白佛言世尊何等菩薩爲魔所燒佛言阿難若菩薩於先世中曾得聞是般若波羅蜜多法門雖復聞已不生信解阿難當知是菩薩卽有惡魔而來燒亂爲彼諸魔伺得其便復次阿難若菩薩摩訶薩聞此甚深般若波羅蜜多法門時心生疑念有是般若波羅蜜多法門耶無是般若波羅蜜多法門耶阿難當知是菩薩卽有惡魔而來燒亂爲彼諸魔伺得其便復次阿難若菩薩摩訶薩遠離善知識親近惡知識以近惡知識故聞此甚深般若波羅蜜多法門不生信解又復不能請問其義但作是念我今何能修此般若波羅蜜多阿難當知是菩薩卽有惡魔而來燒亂爲彼諸魔伺得其便復次阿難若菩薩摩訶薩受彼邪法隨邪法行彼諸惡魔知是事已心生歡喜卽作是念此人助我亦令餘人同來助我而復令我圓滿所願隨順我意阿難當知是菩薩卽有惡魔而來燒亂爲彼諸魔伺得其便復次阿難若菩薩摩訶薩聞此甚深般若波羅蜜多法門已謂餘菩薩言此般若波羅蜜多甚深難解我尚不能得其源底汝

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛說法華經卷第十一

十一

漁二

今何用更修習耶但於餘經佛所說者聽受修習必當於彼而得法味由此菩薩作是說已諸餘菩薩即起遠離般若波羅蜜多心阿難當知作是說者卽有惡魔而來娆亂爲彼諸魔伺得其便復次阿難若菩薩摩訶薩作如是念我是修真遠離行者餘諸菩薩非遠離行卽時惡魔知是念已生大歡喜適悅慶快何以故彼菩薩隨所起念卽退失阿耨多羅三藐三菩提以如是退失故魔心生喜又復阿難有諸惡魔來菩薩所稱讚菩薩名字族氏頭陀功德乃至種種功德相貌菩薩聞是稱讚已隨意所著起增上慢及諸慢心貢高自大輕餘菩薩由是因緣增長煩惱而此菩薩爲彼惡魔力所加故諸有言說人皆信受隨信受已如所說學如所說行若見若聞如是學者如是行者皆不真實以不實故起顛倒心由顛倒故身語心業皆不清淨以此因緣而能增長地獄餓鬼畜生等趣彼惡魔衆見是利故心大歡喜適悅慶快卽作是念今我宮殿誠所不空由彼因緣能增長故阿難當知是菩薩不能具足功德相貌非行般若波羅蜜多非是住不退轉者何以故增上慢心起諸過失是菩薩當有惡魔而來娆亂爲彼諸魔伺得其便復

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

次阿難若菩薩乘人與聲聞乘人共相鬪諍互出惡言輕易呵毀爾時惡魔知是事已卽作是念彼菩薩乘人由此因緣雖復遠離一切智其所遠離非大非久若菩薩乘人與菩薩乘人共相鬪諍互出惡言輕易呵毀者爾時惡魔知是事已心大歡喜適悅慶快而作是念此菩薩乘人由是因緣久久遠離彼一切智復次阿難若有未得授記菩薩於餘已得授記菩薩起瞋恨心隨所起心有退轉失起一念退一劫而後畢是隨念劫數若不捨一切智心或遇善知識故還復發起被精進鎧爾時尊者阿難白佛言世尊若起是罪者佛聽悔不佛言阿難今我法中說有出罪法所有聲聞緣覺菩薩乘中我各說有彼出罪法阿難當知若菩薩乘人與菩薩乘人共相鬪諍互出惡言輕易呵毀已不相悔捨復懷瞋恨結縛於心者我不說彼有出罪法阿難若菩薩乘人與菩薩乘人共相鬪諍乃至呵毀已卽相悔捨者我當爲彼說出罪法阿難又菩薩應作是念我於一切衆生當行慈忍設彼起惡來相陵辱我尚不生一念瞋心況復加報我或暫起瞋恨心者深爲大失何以故我當爲一切衆生作大橋梁普令得度我常於彼一切衆生如善

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

作意設聞惡言不生恚心於自於他皆悉平等自有
過失勿加於他他有過失如自所作常生悔懼何以
故我欲普令一切衆生得大安樂若有衆生多瞋惱
者願我當得阿耨多羅三藐三菩提時度脫彼等我
於一切處見彼所有求菩提者我於爾時歡喜瞻視
面目熙怡無顰蹙相我心堅固不爲一切瞋惱所動
阿難若菩薩乘人能生如是心者當知是爲修菩薩
行者又復阿難諸菩薩摩訶薩於聲聞人所不應生
起諸輕慢心乃至一切衆生亦復不應生輕慢想阿
難白佛言世尊菩薩與菩薩云何共住佛言阿難菩
薩共供當互觀視猶如佛想是我大師同載一乘同
行一道彼菩薩摩訶薩若有所學我亦隨學平等安
住菩薩乘中如菩薩法如理修學彼若雜學非我所
學彼若清淨學能與一切智如理相應者我亦如是
學阿難苦薩摩訶薩能如是學者是爲同學所應共
住如是學者必證阿耨多羅三藐三菩提

佛母出生三法藏般若波羅蜜多經卷第二十

宋北天竺三藏朝奉大夫試光祿卿傳法大

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

師施護等奉詔譯

學品第二十五

爾時尊者須菩提白佛言世尊菩薩摩訶薩欲學一切智當云何學佛言須菩提菩薩摩訶薩若盡學則學一切智若離學則學一切智若無生無滅無起無染無性如虛空法界寂靜等學則學一切智須菩提白佛言世尊若菩薩摩訶薩盡學離學乃至法界寂靜等學則學一切智者是等當云何作佛言須菩提汝若如是說是等云何作者須菩提於汝意云何如來證如如故得名如來是如有盡有所作不須菩提言不也世尊何以故如無盡相亦無所作佛言須菩提於汝意云何如來證如如故得名如來是如有生有滅有起有染有得有證不須菩提言不也世尊佛言須菩提菩薩摩訶薩學一切智亦復如是須菩提是故菩薩摩訶薩若如是學者不盡如相如是學者是學一切智如是學者是學般若波羅蜜多如是學者是學佛地如是學者是學佛十力四無所畏等一切佛法乃至一切智智如是學者能到諸學彼岸如是學者普能降伏魔及魔衆如是學者速得不退轉法如是學者速坐道場如是學者是學三轉十二行

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛說出生滅變經卷二十一

西

薄二

相法輪如是學者學自所行如是學者學爲他作所依怙法如是學者是學大慈大悲大喜大捨如是學者學度衆生界如是學者是學不斷佛種如是學者學開甘露門須菩提此廣大學是最上學凡夫下劣人不能如是學若有能調御一切衆生欲與一切衆生爲依怙者欲出過一切衆生界者彼能如是學若如是學者不墮地獄餓鬼畜生等趣不生阿修羅界不生邊地不生旃陀羅族不生下姓種族不生種種卑賤巧業等族如是學者不失一目不盲兩目亦不角昧不聾不啞不樞僂不繫蹙不醜陋不麤惡不形

殘不異相亦無疥癩癰疽乾瘻等病不壞諸根人相圓滿音聲清巧衆所愛樂須菩提又菩薩摩訶薩如是學者不害他命不盜他物不行邪染不虛妄言亦不兩舌復不惡口不無義語不生貪著不起瞋惱不住邪見不邪命活不修邪命法不畜破戒眷屬不近非法者不生長壽天雖入諸禪而不隨禪生何以故菩薩以能成就善巧方便故而菩薩成就何等善巧方便所謂從般若波羅蜜多相應出生善巧方便是故菩薩雖入諸禪而不隨禪生須菩提菩薩摩訶薩能如是學者卽得清淨十力清淨四無所畏乃至清

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

淨一切佛法須菩提白佛言世尊一切法自性本來清淨菩薩摩訶薩云何復得清淨十力清淨四無所畏乃至清淨一切佛法耶佛告須菩提言如是如是須菩提一切法自性本來清淨菩薩摩訶薩於是切法自性本來清淨中如理修學般若波羅蜜多不驚不怖不退不沒須菩提彼諸愚異生等於如是法不知不見以不知不見故無所覺了是故菩薩摩訶薩發勤精進於中修學自所學已令諸異生等於如是法中如理修學實知實見菩薩摩訶薩由如是學故卽得清淨十力清淨四無所畏乃至清淨一切佛法須菩提菩薩摩訶薩如是學者悉能了知一切衆生心心所行須菩提譬如大地少出間浮檀金多諸荆棘砂礫草木等類一切衆生亦復如是於衆生聚中少能愛樂修學般若波羅蜜多者多有愛樂修學聲聞緣覺法門須菩提又如衆生聚中少有修彼輪王業者但多修彼諸小王業須菩提當知衆生聚中少有行於般若波羅蜜多道者多有行於聲聞緣覺道者亦復如是須菩提又如衆生聚中少有修彼帝釋福業但多修彼諸天子業須菩提當知衆生聚中少有修習般若波羅蜜多行者多有修習聲聞緣覺行

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

者亦復如是須菩提又如衆生聚中少有修彼梵王福業但多修彼諸梵衆業須菩提當知衆生聚中少有不退轉於阿耨多羅三藐三菩提者多有退轉於阿耨多羅三藐三菩提者亦復如是須菩提以是義故當知衆生聚中少有能發阿耨多羅三藐三菩提者於少能發心中又復少能如理修行者於少能修行中又復少能修習般若波羅蜜多相應行者於少能修習相應行中又復少能於阿耨多羅三藐三菩提住不退轉者須菩提是故諸菩薩摩訶薩若欲在少中少者應當修習般若波羅蜜多復次須菩提若菩薩摩訶薩修學是般若波羅蜜多者不生雜染心不生疑惑心不生憎嫉心不生慳吝心不生破戒心不生瞋惱心不生懈怠心不生散亂心不生愚癡心又須菩提菩薩摩訶薩應修學是般若波羅蜜多何以故此般若波羅蜜多能護諸波羅蜜多能受諸波羅蜜多能取諸波羅蜜多能集諸波羅蜜多能攝諸波羅蜜多須菩提譬如六十二見身見中攝諸波羅蜜多於般若波羅蜜多中攝亦復如是須菩提又如士夫所有諸根皆悉於其命根中攝一切善法皆於般若波羅蜜多中攝亦復如是須菩提又如士夫

命根滅時諸根皆滅菩薩摩訶薩亦復如是若智慧滅時一切善法而亦隨滅須菩提是故菩薩摩訶薩若欲護諸波羅蜜多若欲攝諸波羅蜜多者應當修學是般若波羅蜜多又菩薩摩訶薩若欲於一切衆生中福德最勝爲上首者應當修學是般若波羅蜜多復次佛言須菩提於汝意云何三千大千世界一切衆生是爲多不須菩提白佛言世尊但此閻浮提中所有衆生尚多無數何況三千大千世界一切衆生佛言須菩提假使如是三千大千世界一切衆生一一修行皆住菩薩地或有一人盡其壽命以諸飲食衣服臥具醫藥及餘樂具供養如是三千大千世界諸菩薩衆此人以是因緣得福多不須菩提言甚多世尊甚多善逝佛言須菩提若復有人於一彈指頃能修行是般若波羅蜜多者其所得福倍勝於前何以故般若波羅蜜多廣大利益諸菩薩摩訶薩復能護助阿耨多羅三藐三菩提故須菩提是故諸菩薩摩訶薩若欲於一切衆生中最勝無上若欲與一切衆生爲所依怙若欲徧入諸佛境界若欲具足佛功德法若欲得佛遊戲神通若欲作佛大師子吼若欲得佛諸所行處若欲普以三千大千世界大會說

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

法須菩提菩薩摩訶薩若欲成就是等功德利者應學是般若波羅蜜多學是般若波羅蜜多不能圓滿諸功德利者無有是處須菩提白佛言世尊菩薩摩訶薩亦具足聲聞功德利耶佛言須菩提菩薩摩訶薩亦學是聲聞法亦具足聲聞功德之利須菩提菩薩摩訶薩雖如是學如是知得如是利而不於中生住著心菩薩摩訶薩亦說彼聲聞法而不取是法須菩提若菩薩摩訶薩如是學者能爲一切世間天人阿修羅等作大福田而菩薩所作福田最上最勝過餘聲聞緣覺所有福田須菩提如是學者是行般

若波羅蜜多得近一切智不捨般若波羅蜜多不離般若波羅蜜多如是學者不退失一切智遠離聲聞緣覺心得近阿耨多羅三藐三菩提須菩提若菩薩摩訶薩作是念此是般若波羅蜜多此名般若波羅蜜多學是般若波羅蜜多故當得一切智須菩提若如是分別者不名修學般若波羅蜜多若菩薩摩訶薩於般若波羅蜜多不生分別無知無見亦無所得以如是不分別無知見無所得故是名修學般若波羅蜜多

幻喻品第二十六

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

爾時帝釋天主卽起是念若菩薩摩訶薩修學是般若波羅蜜多者尚能勝過一切衆生何況成就阿耨多羅三藐三菩提者是故當知若有人愛樂一切智者彼人得大善利善自活命何況能發阿耨多羅三藐三菩提心者當知是人爲一切衆生共所敬愛普能調御一切衆生帝釋天主作是念已卽時化諸曼陀羅華滿自掌中散於佛上華散佛已合掌向佛作如是言世尊若有發阿耨多羅三藐三菩提心者普願得成阿耨多羅三藐三菩提普願圓滿一切佛法圓滿一切智相應之法圓滿自然智法圓滿無漏法圓滿世尊我見生死中有種種苦我不欲令初發阿耨多羅三藐三菩提心者於一念中有所退轉又不欲令已得安住阿耨多羅三藐三菩提者於一念中或生退轉是故我欲普令成就阿耨多羅三藐三菩提何以故能發心者廣大利益悲愍一切世間天人阿修羅等自得度已復於一切衆生起如是心未解脫者普令解脫未得度者普令得度未涅槃者普令涅槃世尊若有善男子善女人於初發心菩薩所以彼所有諸功德法生隨喜心若於久修習菩薩所生

隨喜心若於住不退轉菩薩所生隨喜心若於一生
補處菩薩所生隨喜心於如是等能生隨喜心善男
子善女人當說何者得福德多佛告帝釋天主言憍
尸迦妙高山王尚可稱量知其限數彼善男子善女
人以是諸隨喜心所獲福德不可稱量知其限數彼善男子善女
人以是諸隨喜心所獲福德不可稱量知其限數憍
尸迦又如四大洲界亦可稱量知其限數彼善男子善女
善女人以是諸隨喜心所獲福德不可稱量知其限
數憍尸迦又如小千世界亦可稱量知其限數彼善
男子善女人以是諸隨喜心所獲福德不可稱量知
其限數憍尸迦又如中千世界亦可稱量知其限數
彼善男子善女人以是諸隨喜心所獲福德不可稱
量知其限數憍尸迦又如三千大千世界亦可稱量
知其限數彼善男子善女人以是諸隨喜心所獲福
德不可稱量知其限數帝釋天主白佛言世尊若有
人不能於初發心菩薩所乃至不能於一生補處菩
薩所生隨喜心者當知是人惡魔所著爲魔眷屬從
彼魔天命終而來生此何以故是諸隨喜心而能破
壞諸惡魔故又復若人能生諸隨喜心者是人應以
隨喜功德廻向阿耨多羅三藐三菩提以是廻向故
而能增長阿耨多羅三藐三菩提是故當知能生如

是諸隨喜心者是人不離佛不離法不離僧增長一切最勝功德佛告帝釋天主言如是如是惱尸迦若有人能生如是諸隨喜心者是人不離佛不離法不離僧增長一切最勝功德又惱尸迦若善男子善女人能生如是諸隨喜心者當知是善男子善女人速得值佛帝釋天主白佛言如是世尊如是善逝善勇子善女人能生如是諸隨喜心者是善男子善女人速得值佛又復以是隨喜善根力故在在所生人所尊重恭敬讚歎是善男子善女人眼根清淨不觀惡色耳根清淨不聞惡聲鼻根清淨不嗅惡香舌根清淨不了惡味身根清淨不染非觸又復不墮惡趣生人天道何以故是善男子善女人成就無量無數隨喜善根故常樂利樂一切衆生以能生是隨喜心故而能增長阿耨多羅三藐三菩提行漸漸得成阿耨多羅三藐三菩提是善男子善女人得菩提已廣度無量無數衆生普令涅槃佛告帝釋天主言惱尸迦如汝所說皆是如來威神護念若善男子善女人能生如是諸隨喜心者是善男子善女人深種善根以是善根廣爲無量無數衆生作大利益此因緣故而能增長一切善法漸漸得成阿耨多羅三藐三菩提

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

爾時尊者須菩提白佛言世尊心如幻故云何以是
心得阿耨多羅三藐三菩提耶佛告尊者須菩提言
於意云何汝見有心如幻耶須菩提言不也世尊佛
言須菩提汝見幻相可得耶須菩提言不也世尊我
不見有心如幻亦不見幻相可得佛言須菩提汝以
是心是相可得阿耨多羅三藐三菩提耶須菩提言
不也世尊佛言須菩提於意云何若不見有心如幻
及幻相者離是心是相汝見有法可得阿耨多羅三
藐三菩提耶須菩提言不也世尊離如幻心及彼幻
相亦不見有法可得阿耨多羅三藐三菩提世尊若

離如幻心及離幻相有法可見者是法亦不可說是
有是無是故一切法畢竟離中不可說有不可說無
若一切法畢竟離故阿耨多羅三藐三菩提亦畢竟
離般若波羅蜜多亦畢竟離以一切法畢竟離故即
無法可修亦無法可得以一切法無所得故阿耨多
羅三藐三菩提亦不可得以是畢竟離故菩薩摩訶
薩亦畢竟離世尊菩薩摩訶薩因般若波羅蜜多故
得阿耨多羅三藐三菩提亦畢竟離若菩薩摩訶薩畢竟離阿
耨多羅三藐三菩提亦畢竟離而菩薩摩訶薩得阿
耨多羅三藐三菩提者云何以離得離耶佛讚須菩

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

提言善哉善哉須菩提如是如是一切法畢竟離般若波羅蜜多亦畢竟離阿耨多羅三藐三菩提亦畢竟離菩薩摩訶薩亦畢竟離而諸菩薩摩訶薩於是法中如實了知般若波羅蜜多畢竟離故卽非般若波羅蜜多須菩提是故諸菩薩摩訶薩雖因般若波羅蜜多故得阿耨多羅三藐三菩提而於是中無法可取無法可得以無取無得故菩薩摩訶薩雖得阿耨多羅三藐三菩提而非以離得離須菩提白佛言世尊如我解佛所說義此甚深義菩薩摩訶薩行者是爲甚難佛言須菩提如是如是此甚深義菩薩摩訶薩行者是爲甚難須菩提若菩薩摩訶薩行此甚深義者不於中道取證聲聞緣覺之果斯爲甚難須菩提白佛言世尊如我解佛所說義菩薩摩訶薩所爲非難何以故一切法無所得無所證以無得無證故是中無證者無所證無所用證法是故菩薩摩訶薩所爲非難世尊若菩薩摩訶薩聞作是說不驚不怖不退不沒者當知彼菩薩摩訶薩是爲行般若波羅蜜多雖如是行亦不見我行般若波羅蜜多若如是不見所行般若波羅蜜多相故是菩薩摩訶薩得近阿耨多羅三藐三菩提卽能遠離聲聞緣覺之地

是行般若波羅蜜多世尊譬如虛空不作是念是達
是近何以故虛空無分別故般若波羅蜜多亦復如
是不作是念阿耨多羅三藐三菩提去我近聲聞緣
覺地去我遠何以故般若波羅蜜多無分別故又如
幻所化人不作是念彼幻師去我近餘觀者去我遠
何以故幻所化人無分別故般若波羅蜜多亦復如
是不作是念阿耨多羅三藐三菩提去我近聲聞緣
覺地去我遠何以故般若波羅蜜多無分別故又如
諸影不作是念影所因者去我近非所因者去我遠
何以故影無分別故般若波羅蜜多亦復如是不作
是念阿耨多羅三藐三菩提去我近聲聞緣覺地去
我遠何以故如來一切憎愛斷故般若波羅蜜多無
分別故般若波羅蜜多亦復如是離諸分別何以故
般若波羅蜜多無分別故又如佛所化人不作
是念阿耨多羅三藐三菩提去我近聲聞緣覺地去
我遠何以故化人無分別故般若波羅蜜多亦復如
是不作是念阿耨多羅三藐三菩提去我近聲聞緣

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

覺地去我遠何以故般若波羅蜜多無分別故又如
佛所化人隨所作事悉能成辦雖所成辦而無分別
何以故化人無分別故般若波羅蜜多亦復如是若
一切法隨所修習悉能成辦何以故般若波羅蜜多
無分別故又如工巧師以其方便用機關木作男女
相隨所作事悉能成辦雖所成辦而無分別何以故
巧幻所作故世尊般若波羅蜜多亦復如是若一切
法隨所修習悉能成辦雖有所成而無分別何以故
般若波羅蜜多無分別故

佛母出生三法藏般若波羅蜜多經卷第二十一

音釋

多不 不脩九切
與充同 **不也** 不分勿切
與弗同 **燒** 乃了切
擾也 **雹** 蒲角切
水 **鞞蹙** 鞞蹙切蹙子 **睐** 力代切瞳
鞞蹙切蹙子 **擘** 子不正也 **擘** 擘閭切
足 **不能行也** **瘖** 相邀切

姑蘇中書舍人徐溶施貴刻此
佛母出生經二十二同卷計字九千九百
六十六箇該銀四兩四錢九分
天啓甲子歲次孟春吉日吳江接待寺識

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

佛母出生三法藏般若波羅蜜多經卷第二十二第二

同卷

宋北天竺三藏朝奉大夫試光祿卿傳法大
師施護等奉詔譯

堅固義品第二十七

爾時尊者舍利子謂尊者須菩提言若菩薩摩訶薩
行此甚深般若波羅蜜多者是行堅固義須菩提言
如是如是舍利子菩薩摩訶薩行此甚深般若波羅
蜜多者是行堅固義爾時有欲界千天子衆作如是
念菩薩摩訶薩爲阿耨多羅三藐三菩提故行此甚

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

深般若波羅蜜多雖復了諸法相入諸法性而不安
住聲聞緣覺所證實際以是緣故所應敬禮爾時尊
者須菩提知其念卽謂言諸天子菩薩摩訶薩行此
甚深般若波羅蜜多而不證彼聲聞緣覺實際者亦
未足爲難何以故若菩薩摩訶薩被精進鎧欲度無
量無數無邊衆生普令安住大般涅槃斯爲難事所
以者何衆生畢竟離故無所有以無所有故不可得
衆生相是故衆生不可得度諸天子若菩薩欲度衆
生者爲欲度虛空何以故虛空離故衆生亦離虛空
無所有故衆生亦無所有畢竟無有衆生可得諸菩

薩摩訶薩爲欲度者是爲難事諸天子如人與彼虛
空共鬪佛說衆生相不可得亦復如是何以故衆生
離故色亦離衆生離故受想行識亦離衆生離故乃
至一切法亦離諸天子若菩薩摩訶薩聞作是說不
驚不怖不退不沒者當知是爲行般若波羅蜜多爾
時世尊告尊者須菩提言何因緣故菩薩摩訶薩聞
作是說不驚不怖不退不沒耶須菩提言一切法離
故不沒何以故世尊沒者不可得沒法不可得而所
沒處亦不可得以是因緣菩薩摩訶薩聞作是說不
驚不怖不退不沒佛言須菩提如是如是若菩薩摩

訶薩聞作是說不驚不怖不退不沒者是行般若波羅蜜多須菩提白佛言世尊若菩薩摩訶薩修行是般若波羅蜜多者常得大梵天王帝釋天主大自在天并餘欲界諸天子衆尊重恭敬頂禮稱讚佛言須菩提非但大梵天王帝釋天主大自在天并餘欲界諸天子衆尊重恭敬頂禮稱讚所有梵衆天梵輔天大梵天少光天無量光天光音天少淨天無量淨天徧淨天無雲天福生天廣果天無煩天無熱天善見天善現天色究竟天如是等天上諸天子衆亦常尊重恭敬頂禮稱讚是修行般若波羅蜜多菩薩摩訶薩又十方無量阿僧祇世界諸佛如來應供正等正覺現住說法者常以佛眼觀察是修行般若波羅蜜多菩薩摩訶薩又復以佛威神常所護念須菩提是菩薩摩訶薩以修行般若波羅蜜多故卽得不退轉於阿耨多羅三藐三菩提諸惡魔衆伺不得便須菩提假使三千大千世界所有衆生一一皆化作諸惡魔是諸魔衆亦復不能於彼修行般若波羅蜜多菩薩摩訶薩所伺得其便又須菩提且置是三千大千世界如前所說假使如毘伽沙數世界一切衆生一一皆化作諸惡魔是諸魔衆亦復不能於彼修行般

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

若波羅蜜多菩薩摩訶薩所伺得其便須菩提當知
 修行般若波羅蜜多菩薩摩訶薩成就二法不爲諸
 魔伺得其便何等爲二所謂觀一切法空不捨一切
 衆生是爲二法須菩提復有二法菩薩摩訶薩能成
 就故不爲諸魔伺得其便何等爲二所謂如說能行
 諸佛稱讚是爲二法又須菩提若菩薩摩訶薩如是
 行般若波羅蜜多者有諸天子常來其所瞻禮恭敬
 作如是言善男子汝速修行是般若波羅蜜多速證
 阿耨多羅三藐三菩提何以故善男子汝修行是般
 若波羅蜜多故能與無依衆生而作依怙無救衆生
 而爲救度無歸衆生爲作所歸無舍衆生爲作住舍
 無趣衆生而爲作趣無洲衆生而爲作洲不識畢竟
 道者爲示畢竟道不識正道者爲示正道在黑闇者
 爲作光明菩薩摩訶薩行般若波羅蜜多者成就如
 是功德須菩提又菩薩摩訶薩行是般若波羅蜜多
 者現在十方無量阿僧祇世界諸佛世尊與彼菩薩
 聲聞大衆圍繞演說法時常所稱讚是菩薩所有功
 德及其名字族氏色相威力須菩提如我今時集會
 說法常所稱讚阿閦佛刹中寶幢菩薩及彼刹中餘
 諸菩薩修梵行者所有功德名字族氏色相威力須

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

菩提諸佛刹中亦復如是彼彼佛會演說法時亦常稱讚我刹土中修行般若波羅蜜多者及餘菩薩修梵行者所有功德名字族氏色相威力耶佛言不也須菩提言世尊諸佛世尊演說法時普皆稱讚諸菩薩摩訶薩所有功德名字族氏色相威力耶佛言不也須菩提諸佛世尊演說法時於諸菩薩摩訶薩有稱讚者有不稱讚者須菩提言何等菩薩是稱讚者佛言須菩提所有住不退轉菩薩摩訶薩諸佛世尊常所稱讚須菩提言若未住不退轉者諸佛世尊所稱讚不佛言須菩提有菩薩摩訶薩雖未安住不退轉地諸佛世尊亦常稱讚彼復云何所謂菩薩摩訶薩若學阿閦如來本爲菩薩時所行道法者是菩薩雖未安住不退轉地亦爲諸佛常所稱讚又須菩提若菩薩摩訶薩學寶幢菩薩所行道法者是菩薩雖未安住不退轉地亦爲諸佛常所稱讚又須菩提若菩薩摩訶薩行般若波羅蜜多故信解一切法無生而未能證得無生法忍又信解一切法寂靜而於不退轉地中未能自在得一切法寂靜是菩薩亦爲諸佛常所稱讚又須菩提若菩薩摩訶薩得諸佛世尊共所稱讚者必當安住不退轉地遠離聲聞緣覺之心決定

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

得授阿耨多羅三藐三菩提記何故菩薩摩訶薩得
彼諸佛共稱讚耶爲菩薩摩訶薩摩訶薩能行是般
若波羅蜜多故復次須菩提摩訶薩聞此甚深般若
波羅蜜多不疑不悔不難不沒者是菩薩摩訶薩當
於阿閦如來應供正等正覺所及彼刹中諸菩薩所
亦得聞是般若波羅蜜多法門聞已信解隨信解已
得不退轉須菩提若有聞是法門生信解者尚獲如
是功德何況若能隨所信解如理安住如理而行如
如所住住一切智須菩提白佛言世尊離如無法可
得當以何法於如中住當以何法得阿耨多羅三藐
三菩提當以何法可說佛言須菩提如汝所說離如
無法可得當以何法於如中住當以何法得阿耨多
羅三藐三菩提當以何法可說者如是如是須菩提
離如無法可得於如中住如尚不可得何況有住如
者如中尚無阿耨多羅三藐三菩提何況有證者是
故無所證無證者無所用證法如中尚無法可得何
況有說法者爾時帝釋天主白佛言世尊般若波羅
蜜多最上甚深若菩薩摩訶薩爲欲成就阿耨多羅
三藐三菩提故若聞是說無法可住無法可證無法
可說於是中不疑不悔不難不沒者當知是菩薩摩

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

詞薩所爲甚難時尊者須菩提卽謂帝釋天主言憍
尸迦如汝所言菩薩摩訶薩若聞此甚深法不疑不
悔不難不沒是爲甚難者憍尸迦於一切法空中有
何法可得疑惑難沒耶帝釋天主白尊者須菩提言
尊者有所樂說皆因於空而於是中亦無所礙譬如
仰射虛空箭去無礙尊者所說無礙亦然帝釋天主
作是說已卽白佛言世尊如我所說是隨如來說是
隨法語答不佛告帝釋天主言憍尸迦如是如是如
汝所說是隨如來說名爲正說是隨法語答名爲正
答憍尸迦彼須菩提有所樂說皆因於空而般若波
羅蜜多尚不可得何況有行般若波羅蜜多者阿耨
多羅三藐三菩提尚不可得何況有證阿耨多羅三
藐三菩提者一切智尚不可得何況有證一切智者
真如尚不可得何況有住如者無生法尚不可得何
況有證無生者菩薩尚不可得何況有求菩提者十
力尚不可得何況有具是力者四無所畏尚不可得
何況有成就無所畏者法尚不可得何況有說法者
憍尸迦彼須菩提如是樂行一切法遠離行一切法
無所得行須菩提行如是行比諸菩薩摩訶薩行般
若波羅蜜多行百分不及一千分不及一百千分不

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

及一俱胝分不及一百千俱胝分不及一百千俱胝
那庾多分不及一笑分數分及譬喻分乃至烏波尼
殺曇分皆不及一憍尸迦唯除如來所行餘諸菩薩
摩訶薩行是般若波羅蜜多行者於一切行中最上
最大最勝最妙無上中無上無等無等等非一切聲
聞緣覺而能等比是故憍尸迦若善男子善女人欲
於一切衆生中最上最大最勝最妙無上中無上無
等無等等者當學菩薩摩訶薩行是般若波羅蜜多

散華緣品第二十八之一

爾時復有三十三天諸天子衆各各持以曼陀羅華

摩訶曼陀羅華來詣佛所而散是華卽時會中有六
萬苾芻俱從座起偏袒右肩右膝著地合掌恭敬住
立佛前時諸苾芻以佛威神力故各各掌中自然盈
滿曼陀羅華摩訶曼陀羅華卽以此華散於佛上華
散佛已咸作是言世尊我等皆修是般若波羅蜜多
皆行如是無上勝行爾時世尊卽從口門放大光明
所謂青黃赤白等種種色光徧照無量無邊佛刹乃
至梵界普偏照耀已其光旋還繞佛三匝却從世尊
頂門而入爾時尊者阿難卽從座起偏袒右肩右膝
著地合掌向佛作如是言何因何緣放斯光明若無

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

因緣如來應供正等正覺不放光明佛告尊者阿難言汝今當知此六萬苾芻於未來世星宿劫中皆得成佛同名散華如來應供正等正覺出現世間是諸如來所有壽量二萬劫數皆悉同等正法住世亦二萬劫是諸佛會有聲聞衆彼彼數量亦復相等阿難當知此六萬苾芻從是已後在在所生於佛法中出家修道所向方處王城聚落悉以正法爲人演說隨說法處彼彼世界常雨五色種種妙華而爲供養是諸苾芻在在處處作大利益乃至最後得成正覺是故阿難若菩薩摩訶薩樂欲行彼最上行者應當行

是般若波羅蜜多又復阿難若能行是般若波羅蜜多者當知皆從人間命終或知足天命終已後而來生此何以故人間及知足天於般若波羅蜜多易所修行故又復阿難若菩薩摩訶薩行此般若波羅蜜多者當知是菩薩摩訶薩常得諸佛共所觀察又復讀誦記念思惟乃至書寫已復爲他人如理表示如實教授如所利益如理生喜如是行者當知是菩薩摩訶薩於如來應供正等正覺所深種善根非於聲聞緣覺所而種善根何以故般若波羅蜜多善根勝

故又復阿難若菩薩摩訶薩於此般若波羅蜜多法門受持讀誦記念思惟爲人演說乃至書寫者是菩薩摩訶薩常得親近現在諸佛聽受正法又復阿難若菩薩摩訶薩聞此般若波羅蜜多法門而於是中不違不逆不毀不謗者當知是菩薩摩訶薩於先佛所已種善根何以故菩薩摩訶薩行是般若波羅蜜多故而能成就阿耨多羅三藐三菩提是故阿難我今於一切世間天人阿修羅衆中以是般若波羅蜜多正法囑累於汝汝當於此般若波羅蜜多正法憶念受持宣通流布令得久住而不斷滅阿難於我所說一切法中唯除般若波羅蜜多不可忘失若有大受持此法門時乃至一字一句錯悞忘失者其罪甚重是人不令我心生喜若於餘法有所忘失其罪乃輕何以故般若波羅蜜多微妙甚深若人於此法門不生尊重恭敬不能瞻禮供養者當知是人於過去未來現在諸佛世尊不生尊重恭敬不能瞻禮供養是人不令我心生喜何以故般若波羅蜜多卽是過去未來現在佛母出生諸佛及一切智是故阿難我今以是般若波羅蜜多正法囑累於汝若此正法欲斷滅時汝當受持宣通流布使不斷滅又復汝於此

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

法所有文字章句分明記憶無令忘失如理作意
惟修習廣爲他人解釋其義勸令受持讀誦書寫何
以故此般若波羅蜜多卽是過去未來現在諸佛法
身故又復阿難若人於我生歡喜心尊重恭敬瞻禮
供養者是人卽以此心當於般若波羅蜜多法門尊
重恭敬瞻禮供養卽同恭養於我亦同供養過去未
來現在諸佛又復阿難若人於我愛樂不捨者當於
般若波羅蜜多愛樂不捨憶念受持宣通流布使不
斷滅阿難我今以是囑累因緣付囑於汝但略說
欲廣說者若一劫若過一劫乃至百千俱胝劫數說
不能盡又復阿難所有過去未來現在諸佛世尊於
一切世間天人阿修羅衆中而爲大師般若波羅蜜
多亦復如是於一切世間天人阿修羅衆中而爲大
師何以故此般若波羅蜜多有大因緣能爲一切世
間天人阿修羅等作大利益又復阿難若人不離此
般若波羅蜜多法門能於其中受持讀誦記念思惟
爲人演說乃至書寫者此卽是我所行教化是人卽
爲不離佛不離法不離僧而能護助過去未來現在
諸佛世尊阿耨多羅三藐三菩提何以故所有諸佛
阿耨多羅三藐三菩提皆從般若波羅蜜多所出生

6 7 8 9 10 11 12 13 14 15 16 17 18 19 20 21 22 23 24

經

佛說金剛經卷第十一

三

故阿難若過去諸佛如來應供正等正覺阿耨多羅三藐三菩提皆從是般若波羅蜜多生若未來諸佛如來應供正等正覺阿耨多羅三藐三菩提亦從是般若波羅蜜多生于今現在十方無量阿僧祇世界現住說法者如來應供正等正覺阿耨多羅三藐三菩提亦從是般若波羅蜜多生是故阿難若菩薩摩訶薩欲得阿耨多羅三藐三菩提者當善學諸波羅蜜多學是諸波羅蜜多者卽學般若波羅蜜多何以故般若波羅蜜多而能出生諸波羅蜜多故又此般若波羅蜜多是諸菩薩母而能出生諸菩薩故而諸波羅蜜多亦能出生阿耨多羅三藐三菩提何以故諸波羅蜜多皆從般若波羅蜜多中來由是般若波羅蜜多所生諸波羅蜜多亦能助阿耨多羅三藐三菩提是故諸菩薩摩訶薩欲得阿耨多羅三藐三菩提者應當善學諸波羅蜜多復次阿難汝當諦聽我今以是般若波羅蜜多復次阿難汝當諦聽我汝汝當憶念受持慎勿忘失此法若欲滅時汝可護助宣通流布無令斷滅阿難此般若波羅蜜多是諸佛如來應供正等正覺廣爲一切衆生說此般若波

羅蜜多無盡法藏令諸衆生普得阿耨多羅三藐三
菩提未來諸佛如來應供正等正覺亦爲一切衆生
說此般若波羅蜜多無盡法藏令諸衆生普得阿耨
多羅三藐三菩提于今現在十方無量阿僧祇世界
現住說法者諸佛如來應供正等正覺亦爲一切衆
生說此般若波羅蜜多無盡法藏令諸衆生普得阿
耨多羅三藐三菩提又復阿難若聲聞乘人以聲聞
法普爲三千大千世界一切衆生如應宣說悉令證
得阿羅漢果是利不虛阿難彼諸阿羅漢所有布施
持戒修定功德於汝意云何是爲多不阿難白佛言
甚多世尊甚多善逝佛言阿難彼福雖多不如菩薩
以此般若波羅蜜多中相應一法普爲衆生如理宣
說是菩薩摩訶薩得福甚多又菩薩摩訶薩於此般
若波羅蜜多法門能一日中爲餘菩薩摩訶薩如理
宣說者得福倍多阿難且置一日若能從旦至食時
復置從旦至於食時若能一漏刻間置是一漏刻
間若能一剎那如是一剎那間以此般若波羅蜜多法門
爲餘菩薩摩訶薩如理宣說者當知是菩薩摩訶薩
其所得福亦復倍多阿難若菩薩摩訶薩能如是法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

施衆生者不可以聲聞緣覺善根福德而相等比何以故是菩薩摩訶薩不退轉於阿耨多羅三藐三菩提

佛母出生三法藏般若波羅蜜多經卷第二十二

佛母出生三法藏般若波羅蜜多經卷第二十三

宋北天竺三藏朝奉大夫試光祿卿傳法大師施護等奉詔譯

散華緣品第二十八之二

爾時世尊說是般若波羅蜜多正法時於大會中現

神通相而此衆會菩薩摩訶薩苾芻苾芻尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等以佛威神力故忽然得見阿閦如來應供正等正覺在此會中猶如大海深固無動有無量無數具足不可思議種種功德菩薩摩訶薩并阿羅漢諸漏已盡無復煩惱心善解脫慧善解脫如大龍王所作已辦捨諸重擔善得已利盡諸有結正智無礙心得自在一切功德皆悉具足者諸大聲聞又有無量無數苾芻苾芻尼優婆塞優婆夷及諸天龍八部如是等衆而共圍繞乃至阿閦佛國莊嚴等

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

相皆悉得見此諸衆會雖於是相起希有心但樂瞻
覩而悉不知其所從來于時世尊攝其神力此諸衆
會忽然不見阿閦如來及彼諸相爾時世尊告阿難
言此諸大衆皆不復見阿閦如來及諸相者當知一
切法亦復如是不與眼作對法不可對法法不可見
法是故無所從來亦無所去何以故阿難一切法無
知者無見者無造者無作者何以故一切法如虛空
無分別故一切法甚深不可思議譬如幻士不受諸
法無堅牢故一切法無所受亦復如是阿難諸菩薩
摩訶薩若如是行是行般若波羅蜜多而於是中亦
無法可著若如是學是學般若波羅蜜多如是學者
能到諸學彼岸又復阿難若菩薩摩訶薩欲得阿耨
多羅三藐三菩提者應當學是般若波羅蜜多何以
故是般若波羅蜜多學於諸學中最上最大最勝最
妙無上中無上無等無等等而能利益安樂一切世
間無依怙者爲作依怙如是學者諸佛許可諸佛稱
讚阿難諸佛如來應供正等正覺學是法已能以足
指按地震動三千大千世界乃至舉足下足皆悉能
現諸神通相何以故諸佛具足無量無數勝功德故
又復阿難諸佛學是般若波羅蜜多故於過去未來

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

現在一切法中得無礙知見是故阿難我說般若波羅蜜多學最大最勝最妙無上中無上無等無等阿難當知般若波羅蜜多無量無盡無有邊際若人欲稱量般若波羅蜜多者是卽稱量虛空何以故虛空無量故般若波羅蜜多無量虛空無盡故般若波羅蜜多無盡虛空無邊際故般若波羅蜜多無邊際阿難我不說般若波羅蜜多有所限量何以故若名句文是有量法般若波羅蜜多非名句文卽無限量阿難白佛言世尊何因緣故佛說般若波羅蜜多無量佛言阿難般若波羅蜜多無盡故無量般若波羅蜜多離故無量以無盡故離故卽法不可得不可得中當何有量是故我說般若波羅蜜多無量阿難過去諸佛如來應供正等正覺皆從般若波羅蜜多出生是般若波羅蜜多卽無盡未來諸佛如來應供正等正覺皆從般若波羅蜜多出生是般若波羅蜜多亦無盡于今現在十方無量阿僧祇世界現住說法者諸佛如來應供正等正覺皆從般若波羅蜜多出生是般若波羅蜜多亦無盡阿難我亦從般若波羅蜜多出生是般若波羅蜜多亦無盡以是緣故般若波羅蜜多已無盡當無盡今無盡何以故若能

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

盡虛空卽能盡般若波羅蜜多是故阿難般若波羅蜜多無盡爾時尊者須菩提作是念如佛所說是義甚深我當問佛作是念已卽白佛言世尊般若波羅蜜多無盡耶佛言須菩提般若波羅蜜多無盡何以故一切法無生如虛空故無盡須菩提白佛言世尊若一切法無生者般若波羅蜜多如是生受想行識無菩提色無盡故般若波羅蜜多如是生受想行識無盡故般若波羅蜜多如是生須菩提若菩薩摩訶薩如是了知卽般若波羅蜜多如是生又菩薩摩訶薩當觀無明無盡故般若波羅蜜多如是生如是行無

盡識無盡名色無盡六處無盡觸無盡受無盡愛無盡取無盡有無盡生無盡老死憂悲苦惱等無盡故般若波羅蜜多如是生須菩提若菩薩摩訶薩以如是無盡法觀諸緣生者是行般若波羅蜜多卽不住聲聞緣覺之地必證阿耨多羅三藐三菩提安住一切智菩薩坐道場時應當如是觀緣生法如是觀已不墮二邊不住中道是爲菩薩不共之法如是觀者得一切智智又須菩提若菩薩摩訶薩於阿耨多羅三藐三菩提有所退轉者是菩薩摩訶薩卽不能成就如是善巧方便亦不能知云何是菩薩摩訶薩行

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

般若波羅蜜多云何是無盡法生般若波羅蜜多云
何是無盡法觀諸緣生須菩提若菩薩摩訶薩不退
轉於阿耨多羅三藐三菩提者卽能成就如是善巧
方便亦能了知菩薩摩訶薩如是行是行般若波羅
蜜多以如是無盡法生般若波羅蜜多以如是無盡
法觀諸緣生須菩提菩薩摩訶薩能如是觀諸緣生
時卽不見有法非因緣生亦不見有法是常是究竟
是堅牢亦不見法有作者有受者須菩提菩薩摩訶
薩如是行般若波羅蜜多時念無盡法如理出生般
若波羅蜜多以如是無盡法觀諸緣生時卽不現色

不見受想行識亦復不見無明行識名色六處觸受
愛取有生老死憂悲苦惱等不見此佛刹亦不見彼
佛刹不見有法是此佛刹亦不見有法是彼佛刹須
菩提若菩薩摩訶薩如是行般若波羅蜜多時魔心
大怖憂愁苦惱須菩提譬如有人喪失父母極大悲
痛憂愁苦惱魔心生苦亦復如是須菩提白佛言世
尊但有一魔心生苦惱爲多惡魔皆苦惱耶佛告須
菩提言菩薩摩訶薩如是行般若波羅蜜多時有所
三千大千世界一切惡魔皆悉心生憂愁苦惱各各
不能安處其座何以故菩薩摩訶薩行是般若波羅

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

蜜多故一切世間天人阿修羅等所不能動一切惡魔伺不得便是故須菩提菩薩摩訶薩欲得阿耨多羅三藐三菩提者當行是般若波羅蜜多菩薩摩訶薩行是般若波羅蜜多故卽能圓滿布施波羅蜜多持戒波羅蜜多忍辱波羅蜜多精進波羅蜜多禪定波羅蜜多如是圓滿諸波羅蜜多已卽能圓滿一切善法具足一切方便願力又須菩提菩薩摩訶薩若欲攝諸善巧方便者當行是般若波羅蜜多又復當念無盡法如理出生般若波羅蜜多菩薩摩訶薩如是行如是念時應生如是心所有十方無量阿僧祇

世界現住說法者諸佛如來應供正等正覺及諸佛一切智皆從是般若波羅蜜多生如諸佛所得法我悉應得須菩提菩薩摩訶薩行般若波羅蜜多時於一彈指間能生如是心者勝餘菩薩摩訶薩於毘伽沙數劫中布施功德當知是菩薩摩訶薩已得安住不退轉地諸佛護念須菩提當知菩薩摩訶薩於一彈指間能生如是心者具足如是一切功德又菩薩摩訶薩於一日中若過一日能生如是心者當知是菩薩摩訶薩諸佛護念在在所生生諸佛刹具諸功德諸佛稱讚於一切處廣爲衆生作大利樂須菩提

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4

菩薩摩訶薩行般若波羅蜜多時能生如是心又復
念無盡法如理出生般若波羅蜜多者譬如香象菩
薩於阿閦如來應供正等正覺所行般若波羅蜜多
及修梵行我諸菩薩亦復如是

隨知品第二十九

復次須菩提菩薩摩訶薩應隨知般若波羅蜜多相
所謂一切法無礙當知般若波羅蜜多亦如是一切
法無分別當知般若波羅蜜多亦如是一切法無壞
當知般若波羅蜜多亦如是一切法無作相當知般
若波羅蜜多亦如是一切法無我無表慧所覺了當

知般若波羅蜜多亦如是一切法但有假名字當知
般若波羅蜜多亦如是一切法語言分別卽此語言
無所有不可得當知般若波羅蜜多亦如是一切法
無說當知般若波羅蜜多亦如是色無量當知般若
波羅蜜多亦如是受想行識無量當知般若波羅蜜
多亦如是一切法無量當知般若波羅蜜多亦如是
一切法無相當知般若波羅蜜多亦如是一切法是
通達相當知般若波羅蜜多亦如是一切法自性清
淨當知般若波羅蜜多亦如是一切法寂默當知般
若波羅蜜多亦如是一切法無滅同於斷當知般若

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛母出生法華經卷第二

三

海三

波羅蜜多亦如是一切法得涅槃同真如當知般若波羅蜜多亦如是一切法無來無去無生無所生畢竟生不可得當知般若波羅蜜多亦如是一切法無自相無他相當知般若波羅蜜多亦如是一切賢聖自性清淨當知般若波羅蜜多亦如是一切法捨諸誓願當知般若波羅蜜多亦如是一切法無方無處當知般若波羅蜜多亦如是何以故色無方無處自性清淨當知般若波羅蜜多亦如是受想行識無方無處自性清淨當知般若波羅蜜多亦如是一切法喜樂性當知般若波羅蜜多亦如是一切法無染無

離染當知般若波羅蜜多亦如是一切法非愛非離愛當知般若波羅蜜多亦如是色非塵非離塵自性清淨當知般若波羅蜜多亦如是受想行識非塵非離塵自性清淨當知般若波羅蜜多亦如是一切法無繫著當知般若波羅蜜多亦如是菩薩一切法佛智所覺了當知般若波羅蜜多亦如是一切法空無相無願當知般若波羅蜜多亦如是一切法是大良藥慈心爲首當知般若波羅蜜多亦如是一切法住慈悲喜捨行當知般若波羅蜜多亦如是一切法淨無住離諸過失當知般若波羅蜜多亦如是大海無

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

邊當知般若波羅蜜多亦如是須彌山莊嚴當知般若波羅蜜多亦如是色無邊當知般若波羅蜜多亦如是受想行識無邊當知般若波羅蜜多亦如是日輪光明照耀無邊當知般若波羅蜜多亦如是一切音聲無邊當知般若波羅蜜多亦如是集一切佛法無邊當知般若波羅蜜多亦如是一切衆生界福智生無邊當知般若波羅蜜多亦如是地界無邊當知般若波羅蜜多亦如是水界火界風界空界識界無邊當知般若波羅蜜多亦如是善不善法無邊當知般若波羅蜜多亦如是一切佛法藏無邊當知般若

波羅蜜多亦如是一切法無邊當知般若波羅蜜多亦如是空性無邊當知般若波羅蜜多亦如是心心所法無邊當知般若波羅蜜多亦如是心所行無邊當知般若波羅蜜多亦如是集一切法無量當知般若波羅蜜多亦如是一切法三摩地無量不可得當知般若波羅蜜多亦如是善不善法無量當知般若波羅蜜多亦如是一切法不可壞當知般若波羅蜜多亦如是一切法如師子吼當知般若波羅蜜多亦如是以故色如大海受想行識如大海色如須彌山莊嚴受想行識如須彌山莊嚴色如日輪光明照

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

耀無邊受想行識如日輪光明照耀無邊色如一切音聲無邊受想行識如一切音聲無邊色如集一切佛法無邊受想行識如集一切佛法無邊色如衆生界無邊受想行識如衆生界無邊色如地界無邊色如水界火界風界空界識界無邊受想行識如水界火界風界空界識界無邊色離集善相受想行識離集善相色離和合相受想行識離和合相色如一切法三摩地無邊受想行識如一切法三摩地無邊色色離色自性色真如是爲佛法受想行識識離識自性識真如是爲佛法色相無邊受想行識相無邊色空無邊受想行識空無邊色於心心所法無邊受想行識於心心所法無邊色於心所行無生受想行識於心所行無生色於善不善法中不可得受想行識於善不善法中不可得色如師子吼受想行識如師子吼色畢竟不可壞受想行識畢竟不可壞以如是義故一切法不可壞般若波羅蜜多亦如是須菩提若菩薩摩訶薩能如是隨知般若波羅蜜多卽於般若波羅蜜多中無所行無所作無所證非思惟觀察籌量可及遠離一切詭詬作意遠離一切懈怠作意遠離一切慳嫉作意遠離我

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

取作意遠意遠離我想人想衆生想等遠離世間名
離自他作離五蓋等法乃至遠離一切非理作意須
聞利養遠摩訶薩若如是行般若波羅蜜多卽於諸
菩提菩薩法中難得而得乃能圓滿一切功德生諸
佛刹成無上智

佛母出生三法藏般若波羅蜜多經卷第二十三

音釋

闡他局切眼胡鉢切閑初六切

詔莊

詔丑琰切依言也

姑蘇中書舍人徐溶施貴刻此

詔古況切許也

佛母出生經二十二三同卷計字九千零七十
三箇該銀四兩零七分八厘
天啓甲子歲次孟春吉日吳江接待寺識

佛母出生三法藏般若波羅蜜多經卷第二十四

第十五

宋北天竺三藏朝奉大夫試光祿卿傳法大
師施護等奉詔譯

常啼菩薩品第二十之一

復次須菩提諸菩薩摩訶薩欲求般若波羅蜜多者
當如常啼菩薩摩訶薩往昔於雷吼音王如來應供
正等正覺法中修習梵行勤求般若波羅蜜多須菩
提白佛言世尊常啼菩薩摩訶薩作何方便而能求
是般若波羅蜜多佛告須菩提言汝今當知常啼菩

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛說法華經卷二十四

海四

薩摩訶薩往昔求般若波羅蜜多時不怖時長不念世事不惜身命不樂世間名聞利養於諸世間不生依著但一心念求般若波羅蜜多卽於林中思惟方便爾時空中有聲作如是言善男子汝可東行求是般若波羅蜜多汝當往時若身若心勿生疲倦勿念睡眠勿念飲食勿念晝夜勿念寒熱勿念一切違礙等事又復勿念內法外法勿念於前亦勿念後勿念四方四維上下又復行時不得左右顧視但一心念般若波羅蜜多如是念時不應動色不應動受想行識若動五蘊卽不行佛法是行生死行若行生死行卽不行般若波羅蜜多卽不成就般若波羅蜜多是故汝今離如是相但一心求須菩提爾時常啼菩薩摩訶薩聞是空中聲已卽答空中語言我今如所教行何以故我欲爲一切衆生作大光明欲集一切佛法故時空中聲卽復讚言善哉善哉善男子汝若東行求是般若波羅蜜多時應信解一切法空無相無願當離諸相遠離我見人見衆生等見遠離惡知識親近善知識隨所親近應當尊重恭敬供養善知識者能爲汝說一切法空無相無願無生無滅無性汝若生如是尊重恭敬供養心者應當不久得聞般若

6 7 8 9 10 11 12 13 14 15 16 17 18 19 20 21 22 23 24

經

佛說法華經卷第十一

二

經四

波羅蜜多若於經卷中聞若於法師所聞汝隨所聞般若波羅蜜多處當生大師想尊重恭敬承事供養是卽知恩爲報恩者應作是念此卽是我真善知識我聞此般若波羅蜜多故不退轉於阿耨多羅三藐三菩提得近阿耨多羅三藐三菩提不離如來應供正等正覺生諸佛刹不生無佛刹中遠離諸難不生難處善男子汝應爲求如是功德利故隨從法師不應爲世間財利名譽故隨從法師又復以重法心故於法師所尊重恭敬承事供養如大師想常應覺知所有魔事或時惡魔有因緣故於說法者以好上妙

色聲香味觸而爲供養彼說法者以方便力故受是五欲汝於爾時不應生起不清淨心而爲障礙但作是念我無如是方便力故而說法師爲欲利樂一切衆生令種善根故雖受是五欲於菩薩摩訶薩無有一少法可爲障礙善男子汝於爾時應當安住諸法實相何等名爲諸法實相所謂一切法無染無淨何以故一切法自性空故是中無我無人無衆生無壽者一切法如夢如幻如影如響如是名爲諸法實相汝若如是安住卽不久得聞般若波羅蜜多善男子又復應當覺知魔事或時魔因緣故令說法者於聽法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

者心生嫌惡汝於爾時爲求法故不應暫起諸違礙
 想於其法師益加尊重愛樂恭敬汝當不久得聞般
 若波羅蜜多爾時常啼菩薩摩訶薩聞空中聲爲敎
 示已卽隨所敎東行求般若波羅蜜多東行未久卽
 作是念我於向者云何不能問空中聲東行遠近至
 何方處從誰得聞般若波羅蜜多作是念已憂愁啼
 泣卽於彼住復作是言我住於此一日二日乃至七
 日若身若心無疲倦想不念睡眠不念飲食不念寒
 热不念晝夜但一心念般若波羅蜜多譬如有人唯
 生一子愛念甚重而忽喪歿是時父母無復餘念唯

大苦惱憂愁啼泣須菩提常啼菩薩摩訶薩亦復如
 是當於爾時無復餘念但念何時於何方處從誰得
 聞般若波羅蜜多

常啼菩薩品第三十之二

爾時佛告須菩提彼常啼菩薩摩訶薩如是憂愁啼
 泣時忽然見有如來形像住立其前作是讚言善哉
 善哉善男子諸佛如來應供正等正覺本行菩薩道
 時求般若波羅蜜多亦如汝今如是勤求等無有異
 是故汝應益加精進勇猛堅固從此東行五百由旬
 有一大城名曰衆香其城七重七重垣牆縱廣十二

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

由旬廣博清淨妙好殊麗人民熾盛安隱豐樂有五百街道處處連接橋津平正人所愛樂其七重城七寶嚴飾一一城上皆以闌浮檀金而爲樓閣七寶行樹周帯圍繞復有七多羅樹彼七寶行樹各有種種寶華寶菓一一樹間衆寶間錯有諸寶網互映交絡彌覆城上垂諸寶鈴風吹鈴聲甚可愛樂如五種樂巧出音聲清妙和雅聞者適悅其城四邊流泉浴池清淨具足中有諸船七寶裝校池水自然冷暖調適人所愛樂於諸池中有諸色華所謂優鉢羅華俱母陀華奔擎利迦華等及餘種種妙色香華乃至三千

大千世界所有一切諸妙華等皆悉具足其城四邊有五百園一一園中有五百池其池縱廣一俱盧舍彼一一池七寶裝校甚可愛樂是諸池中亦有種種妙色香華所謂優鉢羅華俱母陀華奔擎利迦華等是一一華大如車輪青色青光黃色黃光赤色赤光白色白光一一池中復有白鶴鳬鴈鴛鴦等種種異鳥游集其上是諸園林浴池城中人民自在遊適無所繫屬但以衆生先業所感彼諸衆生於長夜中修行般若波羅蜜多清淨信解甚深法門故獲如是最勝果報善男子彼衆香城中有大高臺法上菩薩摩

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

訶薩所止宮舍在於其上其臺分量縱廣正等各一
由旬七重垣牆七寶莊嚴殊特妙好七重行樹周巾
圍繞復有七多羅樹於其宮中有四大園一名常喜
二名無憂三名適悅四名華莊嚴一一園中有八大
池一名賢二名賢上三名歡喜四名喜上五名安樂
六名妙樂七名決定八名阿囉訶彼一一池四邊皆
以四寶莊嚴東黃金寶南白銀寶西吠瑠璃寶北頗
珉迦寶玫瑰爲底金沙布上一一池側有八梯陛七
寶莊嚴以衆寶物而爲層級其層級間有闇浮檀金
芭蕉行樹彼諸池中亦有種種妙色香華所謂優鉢
羅華俱母陀華奔擎利迦華等亦復有諸白鶴鳬鷀
鴛鴦等種種異鳥游集其上彼一一池四邊各有妙
香華樹香如栴檀色味具足風吹其華墮池水中而
彼宮舍園林池沼如是嚴飾法上菩薩摩訶薩處其
宮內與六萬八千妓女眷屬俱於如是等園林池沼
遊翫適悅五欲娛樂嬉戲自在衆香城中所有人民
若男若女亦復皆入常喜等園賢等諸池遊戲娛樂
彼法上菩薩摩訶薩既娛樂已於自宮內日三時中
說般若波羅蜜多又復衆香城中一切人民於其城
內多人聚處爲法上菩薩摩訶薩敷大法座其座四

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

足黃金白銀吠瑠璃頗胝迦四寶所成復有種種真珠瓔珞而爲裝校座高半俱盧舍於其座上敷以茵褥及僑尸迦衣上妙細氈種種嚴飾於座周布散五色華燒衆妙香嚴好殊特清淨可愛法上菩薩摩訶薩處其法座天人四衆集會一處恭敬圍繞以重法故各各燒香散華供養法上菩薩摩訶薩是時菩薩廣爲一切天人四衆宣說般若波羅蜜多隨應說已中有受持者有讀誦者有思惟者有書寫者有如說行者有不退轉於阿耨多羅三藐三菩提者善男子彼法上菩薩摩訶薩說法會中有如是等功德利益是故汝今宜應東行往彼法上菩薩摩訶薩所汝當從彼得聞般若波羅蜜多而彼菩薩摩訶薩能以此法爲汝示教利喜汝今東行勿計畫夜勇猛精進一心勤求卽當不久決定得聞般若波羅蜜多爾時常啼菩薩摩訶薩聞是說已心生歡喜適悅慶快譬如有人爲箭所中苦痛甚是人爾時無復餘念但念何時得大良藥而爲救療使我得脫如是苦惱須菩提常啼菩薩摩訶薩亦復如是而無餘念但念何時得瞻禮親近法上菩薩摩訶薩從彼得聞般若波羅蜜多卽於是處一心諦想法上菩薩摩訶薩思惟般

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

若波羅蜜多常啼苦薩摩訶薩作是思惟時於一切法中生無所依想得入無量無數三摩地門所謂觀一切法自性三摩地一切法自性無所得三摩地一切法自性智生三摩地破一切法無明三摩地一切法不壞見三摩地一切法作光明三摩地一切法離癡暝三摩地破一切法無智三摩地一切法離闇三摩地一切法相不可得三摩地散華三摩地一切法無我相三摩地離幻三摩地如鏡像出生三摩地一切衆生語言三摩地離塵三摩地一切衆生歡喜三摩地隨一切衆生善巧語言三摩地種種語言文字章句出生三摩地無畏三摩地自性三摩地離障得解脫三摩地無染三摩地名句文莊嚴三摩地等觀一切法三摩地一切法離境界相三摩地一切法無礙際三摩地如虛空三摩地金剛喻三摩地清淨相王三摩地無負三摩地得勝三摩地不退觀三摩地法界決定三摩地法界寂靜三摩地安隱三摩地師子吼三摩地勝一切衆生三摩地離垢三摩地清淨三摩地蓮華莊嚴三摩地斷愛三摩地隨一切堅固三摩地一切法最上三摩地得神通力無所畏三摩地一切法通達三摩地壞一切法印三摩地一切法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

無差別見三摩地離一切見三摩地大法光明三摩地一切法離相三摩地解脫一切著三摩地一切法無懈三摩地甚深法光明三摩地等高三摩地一切法奪三摩地破魔境界三摩地三界最勝三摩地光明門三摩地見一切如來三摩地須菩提常啼菩薩摩訶薩得入如是等諸三摩地門於三摩地中見十方無量阿僧祇世界諸佛如來各各爲諸菩薩摩訶薩說般若波羅蜜多是諸如來皆悉安慰讚歎常啼菩薩摩訶薩言善哉善哉善男子汝能勤求般若波羅蜜多我等本行菩薩道時求般若波羅蜜多亦如

汝今得是諸三摩地等無有異汝今得是諸三摩地已而能通達般若波羅蜜多方便安住不退轉法我等得是諸三摩地已卽得阿耨多羅三藐三菩提我等於諸三摩地中觀察自性無法可見從諸三摩地出已於一切法生無住想善男子無住法者是謂般若波羅蜜多我等於是無住法中得金色身種種光明三十二大人相八十種隨形好皆悉具足得不思議佛無上智佛無上慧成就一切佛法功德到一切法彼岸善男子如是功德諸佛如來猶尚不能稱量讚歎說其邊際何況聲聞緣覺是故汝今於是法中

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

益加恭敬尊重愛樂精進勤求以是義故阿耨多羅三藐三菩提不爲難得又善男子汝今宜應於善知識極生恭敬尊重愛樂何以故菩薩摩訶薩爲善知識所護助者速得阿耨多羅三藐三菩提爾時常啼菩薩摩訶薩白諸如來言誰當是我真善知識願諸如來示教於我卽時諸佛如來謂言善男子當知法上菩薩摩訶薩者是汝善知識而彼菩薩世世已來常教化汝令汝通達般若波羅蜜多方便學諸佛法成就汝於阿耨多羅三藐三菩提汝應知彼重恩當念報恩善男子汝於法上菩薩摩訶薩欲報恩者假使一劫百劫乃至百千劫中恭敬頂戴以一切樂具乃至三千大千世界所有上妙色聲香味觸等而爲供養亦未能報一少分恩何以故汝以法上菩薩摩訶薩因緣故令汝得入諸三摩地門通達般若波羅蜜多方便是故當知彼恩深重爾時如來作是說已忽然不現彼常啼菩薩摩訶薩從三摩地出已不復見彼諸佛如來心生悲惱啼泣而住卽作是念向者如來從何所來去至何所彼爲我說法上菩薩摩訶薩甚爲希有而彼菩薩摩訶薩已得陀羅尼及五神通已曾供養無量諸佛彼卽是我真善知識世世已

經
一
佛說法華經卷二十一
論四
十
四
東京大學総合図書館所蔵

使一劫百劫乃至百千劫中恭敬頂戴以一切樂具乃至三千大千世界所有上妙色聲香味觸等而爲供養亦未能報一少分恩何以故汝以法上菩薩摩訶薩因緣故令汝得入諸三摩地門通達般若波羅蜜多方便是故當知彼恩深重爾時如來作是說已忽然不現彼常啼菩薩摩訶薩從三摩地出已不復見彼諸佛如來心生悲惱啼泣而住卽作是念向者如來從何所來去至何所彼爲我說法上菩薩摩訶薩甚爲希有而彼菩薩摩訶薩已得陀羅尼及五神通已曾供養無量諸佛彼卽是我真善知識世世已

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

來常所教化利益於我我今於彼益加恭敬尊重愛樂是故宜應往彼瞻禮親近供養聽受般若波羅蜜多及問向者如來從何所來去至何所然我今者自念貧之一無所有金銀珍寶衣服臥具幢旛寶蓋香華燈塗如是等物悉不能辦乃至一華亦不能及當以何物而爲供養我若空往心非所安如是憂愁思惟方計爾時常啼菩薩摩訶薩作是念已未卽東行且於中路別入一城於其城中靜住思惟我欲東行爲求法故供養法上菩薩摩訶薩是大利益我今宜應自賣其身隨所得價當買香華自持往彼供養法

上菩薩摩訶薩何以故我從世世已來爲欲因緣故於輪廻中受生死身歷無量苦流轉諸趣破壞其身終無利益不曾爲此清淨法故捨自身命是故我今爲求法故無所吝惜作是思惟已卽於城中多人聚處如是唱言我今賣身誰當買我誰當買我爾時諸魔知是事已卽作是念今常啼菩薩以樂法故自賣其身欲買香華供養法上菩薩爲求般若波羅蜜多何故諸菩薩行般若波羅蜜多皆能成就阿耨多羅三藐三菩提猶如大海無所傾動我等諸魔不能壞亂彼因緣故空我境界是故我今宜設方便壞其道

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

意爾時惡魔如是念已當彼常啼菩薩作此唱時卽以魔力隱蔽城中一切人衆皆不令聞常啼菩薩所唱之聲爾時常啼菩薩摩訶薩如是三唱皆無買者菩薩爾時心生愁惱啼泣而言苦哉苦哉我所賣身爲供養法上菩薩摩訶薩今無買者故知我身深爲罪咎爾時帝釋天主知是事已卽作是念我應往彼常啼菩薩摩訶薩所當試其心可能堅固深心樂法真實能捨如是身不帝釋天主作是念已卽時變身爲婆羅門來住常啼菩薩摩訶薩前作是問言汝今何故如是憂愁啼泣苦惱常啼菩薩言我今欲賣此身無有買者以是緣故啼泣而住婆羅門言汝所賣身欲何所作常啼菩薩言我爲愛樂法故今自賣身買諸香華欲供養法上菩薩摩訶薩爲求般若波羅蜜多而我此身薄福德故賣無售者爾時婆羅門謂常啼菩薩摩訶薩言我不須人無所施作我於今時將欲大祠須用人心人血人髓汝今可能而相與不念我於今時得最上利定當得聞般若波羅蜜多圓滿所願此婆羅門而肯須我心及血髓我應歡喜一授與作是念已卽謂婆羅門言仁者所須我當相

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

奉婆羅門言汝欲價直其數幾何常啼菩薩言隨所相與我卽當受爾時常啼菩薩摩訶薩卽執利刀刺其右臂出血次欲於其右體破骨出髓是時有一長者女在高樓上遙見常啼菩薩摩訶薩先自刺臂出血又欲破骨出髓卽作是念此善男子何故如是苦楚其身我應往彼詢問其故時長者女作是念已卽下高樓來菩薩所發是問言善男子汝何緣故於其自身受是苦楚所出血髓欲將何用常啼菩薩言善女人當知我今貧乏無有財寶所出血髓賣與此婆羅門所得價直當買香華供養法上菩薩摩訶薩長

者女言汝以香華供養彼菩薩摩訶薩當有何等功德利益常啼菩薩言汝善女人當知彼法上菩薩摩訶薩能爲我說般若波羅蜜多及方便問學彼法已能爲衆生作所歸趣卽能成就阿耨多羅三藐三菩提得金色身三十二大人相八十種隨形好常光無量光大慈大悲大喜大捨十力四無所畏四無礙智十八不共法等不可思議無量無數佛功德法悉能圓滿及以一切無上法寶分布施與一切衆生是故我今爲欲成就如是功德故往供養彼菩薩摩訶薩聽受般若波羅蜜多及方便門爾時長者女白常啼

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

菩薩摩訶薩言善男子如汝所說甚爲希有若人爲求如是法故假使如毘伽沙數身命盡以供養是所應作功不唐捐有大利益善男子我家具有金銀瑠璃磚磲瑪瑙珊瑚琥珀及頗胝迦等種種珍寶乃至衣服臥具幢旛寶蓋香華燈塗隨汝所須我悉當與汝當持以供養法上菩薩摩訶薩勿復貢身受諸苦楚我今亦欲同汝往彼法上菩薩摩訶薩所瞻禮親近隨喜供養種諸善根時長者女作是說已住於一面爾時帝釋天主隱其婆羅門身還復本相住常啼菩薩摩訶薩前作如是言善哉善哉善男子汝能堅

固深心樂法勇猛勤求善男子過去諸佛如來應供正等正覺本行菩薩道時求般若波羅蜜多亦如汝今等無有異汝當決定得成阿耨多羅三藐三菩提圓滿一切佛功德法善男子我實不須人心血髓故來相試汝今有何所須我當授汝常啼菩薩言天主汝可與我阿耨多羅三藐三菩提法帝釋天主言善男子此是諸佛境界非我境界諸佛如來可能成辦我不能辦餘有所須我皆相奉常啼菩薩言我今無復餘願以汝帝釋天主實語力故又復以我自所願力自實語力及佛世尊威神力故若我決定不退轉

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

於阿耨多羅三藐三菩提諸佛如來應供正等正覺
知我深心者願我此身平復如故爾時常啼菩薩摩
訶薩發是言已於須臾間身卽平復乃至無有瘢痕
等相爾時帝釋天主見是相已讚歎希有隱身不現
爾時彼長者女卽白常啼菩薩摩訶薩言善男子汝
今應可同往我舍白我父母求索所須持以供養法
上菩薩摩訶薩爾時常啼菩薩摩訶薩謂長者女言
善哉同往今正是時于是彼長者女與常啼菩薩摩
訶薩同詣父舍到其舍已常啼菩薩摩訶薩住於門
側彼長者女卽入其舍白父母言父母我家具有金

銀珍寶及種種物願以少分見賜於我及所供給我
五百侍女聽許從我我當與一菩薩摩訶薩名曰常
啼同往供養一菩薩摩訶薩名曰法上而彼法上菩
薩摩訶薩能爲我等說甚深法聞彼法已卽能成就
一切佛法功德利益是故父母願賜聽許是時父母
卽告女言汝所說者常啼菩薩摩訶薩今在何處彼
女答言今在門外父母當知彼菩薩摩訶薩者深心
樂法勇猛堅固爲欲成就阿耨多羅三藐三菩提廣
度一切衆生出生死苦欲往供養法上菩薩摩訶薩
求般若波羅蜜多故自賣其身於此城中高聲唱言

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

誰當買我如是三唱無有買者是時常啼菩薩憂愁苦惱涕泣而住我於爾時在高樓上見一婆羅門來菩薩所互言謂已卽時菩薩手執利刀刺其右臂出血復欲割其右體破骨出髓我時見是事已卽作是念此善男子何故如是苦楚其身我宜往彼詢問其故念已卽往我問彼言汝何緣故受斯苦楚所出血髓欲將何用彼答我言我欲買諸香華持往供養法上菩薩摩訶薩我貧乏故無有財寶故出血髓賣與此婆羅門其得價直當買香華供養菩薩父母我聞彼說深所讚歎復問彼言汝今如是供養彼菩薩當有何等功德利益彼答我言供養彼菩薩故從彼得聞般若波羅蜜多及方便門學是法已乃能成就不可思議無量無數佛功德法我聞是說已心生歡喜卽謂彼言善男子爲求法故行難行行甚爲希有汝今不須如是苦楚其身我家具有金銀珍寶及種種物隨汝所欲我當相與我亦樂欲同汝往彼法上菩薩摩訶薩所瞻禮親近隨喜供養我復謂言今且同汝往我父舍白我父母求索財寶與汝俱持供養法上菩薩摩訶薩彼卽答言善哉可行今正是時父母是以是緣故常啼菩薩摩訶薩同我至此是故父母若

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

欲令我成就一切無上功德法者如我所欲種種財寶及侍女等願賜見聽勿復爲礙爾時父母卽告女言汝所說者彼善男子甚爲希有爲求法故行難行而欲成就不可思議佛功德法欲爲一切衆生作大利益此因緣者是爲一切世間勝上事業今聽汝往凡諸所欲自當隨意我等亦欲往彼法上菩薩摩訶薩所瞻禮親近隨喜供養爾時彼長者女爲供養法上菩薩摩訶薩因緣故白父母言我亦不敢障人功德父母欲往自當隨意爾時長者女卽時嚴整五百乘車衆寶莊嚴令五百侍女各嚴身已入乘一車

所有金銀珍寶衣服臥具幢旛寶蓋香華燈塗及種種物載以一車時長者女與常啼菩薩摩訶薩共乘一車父母眷屬亦乘寶車如是莊嚴導從圍繞出所住舍東行往詣法上菩薩摩訶薩所如是行經五百由旬常啼菩薩摩訶薩與長者女遙見一城其城七重七重垣牆七寶行樹周巾圍繞其城縱廣十二由旬廣博清淨五百街巷處處連接橋津平正安隱豐樂人民熾盛甚可愛樂於其城中多人聚處有大法座高廣妙好衆寶莊嚴遙見法上菩薩摩訶薩處于座上有無量百千天人四衆恭敬圍繞聽受說法如

是見已常啼菩薩摩訶薩心生慶快踊躍歡喜譬如
苾芻得第三禪樂一心專注尊重恭敬卽謂長者女
言此城名爲衆香彼菩薩者是謂法上菩薩摩訶薩
我等今時不應乘車前詣其所發是言已卽各下車
歡喜肅恭步進於前

佛母出生三法藏般若波羅蜜多經卷第二十四

佛母出生三法藏般若波羅蜜多經卷第二十五

宋北天竺三藏朝奉大夫試光祿卿傳法大
師施護等奉詔譯

常啼菩薩品第三十之三

爾時常啼菩薩摩訶薩與長者女及諸侍女父母眷
屬等導從圍繞并持種種珍寶供具入衆香城一心
渴仰欲見法上菩薩摩訶薩是時常啼菩薩摩訶薩
等旣入城已詣菩薩所其去不遠常啼菩薩摩訶薩
見帝釋天主與無數百千天子散天曼陀羅華摩訶
曼陀羅華及餘種種殊妙天華天金銀華等散於虛
空及散栴檀香末又復廣作微妙天樂其所散華住
在空中常啼菩薩摩訶薩如是見已卽問帝釋天主
言嬌戶迦汝何緣故於虛空中與無數百千天子散

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

衆天華及散栴檀香末廣作天樂帝釋天主白常啼菩薩摩訶薩言善男子汝不知耶有法名摩訶般若波羅蜜多是諸佛母亦是諸菩薩母學是法者卽能成就一切智圓滿一切佛功德法汝今當知於法上菩薩摩訶薩演說法處別有七寶臺高廣妙好種種嚴飾真殊寶網間錯垂布於其臺中有七寶牀而彼牀上安七寶函以黃金鑠書是摩訶般若波羅蜜多正法置於函內種種珍寶周帀圍繞其臺四角安四白銀香爐燒黑沉水香供養摩訶般若波羅蜜多正法以是緣故我等諸天於虛空中散華供養爾時常啼菩薩摩訶薩白帝釋天主言憍尸迦如汝所說是諸佛母及菩薩母摩訶般若波羅蜜多正法微妙甚深最上希有汝以方便可能示我帝釋天主言善男子彼摩訶般若波羅蜜多正法在七寶函內彼法上菩薩摩訶薩以七寶印印之我無方便可能示汝爾時常啼菩薩摩訶薩與長者女等漸復前行到法上菩薩摩訶薩所卽以所持金銀珍寶衣服臥具幢旛寶蓋香華燈塗等分作二分先持一分而共供養摩訶般若波羅蜜多次持一分亦共供養法上菩薩摩訶薩作是供養已復以種種妙色香華向法上菩薩

摩訶薩所而用散擲以法上菩薩摩訶薩威神力故其所散華於菩薩上住虛空中變成種種妙寶樓閣是諸樓閣自然皆有真珠瓔珞間錯垂布爾時常啼菩薩摩訶薩并長者女見是相已咸作是念善哉此相甚爲希有法上菩薩摩訶薩現住菩薩地神通威德尚能如是何況成就阿耨多羅三藐三菩提已彼諸功德不可稱計爾時長者女作是念已於法上菩薩摩訶薩益加恭敬尊重愛樂并五百侍女亦各恭敬尊重愛樂時長者女及五百侍女皆發阿耨多羅三藐三菩提心咸作是言願我以此善根因緣於未來世當得成佛爲菩薩時亦如法上菩薩摩訶薩愛樂尊重般若波羅蜜多等無有異及廣爲人宣說般若波羅蜜多成就般若波羅蜜多善巧方便皆如法上菩薩摩訶薩今日無異作是言已彼長者女并五百侍女卽時頭面禮菩薩足禮已合掌退住一面爾時常啼菩薩摩訶薩如前所作供養事已卽時頭面禮菩薩足禮已旋繞種種稱讚歡喜瞻仰合掌而住白法上菩薩摩訶薩言大士當知我有因緣故來至此我本爲求般若波羅蜜多故於空寂林中思惟方便時空中有聲而謂我言汝可東行求般若波羅蜜

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

多我如所教尋卽東行東行未久我復作念向者云
何而不能問彼空中聲東行遠近於何方處從誰得
聞般若波羅蜜多我於爾時憂愁啼泣卽於彼住經
七晝夜當是憂愁啼泣之時忽然見有如來形像住
於我前作如是言善男子從是東行五百由旬有城
名衆香彼有菩薩摩訶薩名曰法上汝可往彼當得
聞般若波羅蜜多我時聞是說已心大歡喜卽於彼
處一心諦想大士思惟般若波羅蜜多我於爾時住
一切法無依止想卽時得入無量無數三摩地門於
三摩地中見十方無量阿僧祇世界諸佛如來應供
正等正覺各各爲諸菩薩摩訶薩宣說般若波羅蜜
多是諸如來咸讚我言善哉善哉善男子汝以求般
若波羅蜜多因緣故得入諸三摩地門時諸如來如
是乃至種種示教利喜安慰我已忽然不現我於爾
時從三摩地出已不復得見諸佛如來我心苦惱卽
作是念向者如來從何所來去至何所我復思惟彼
法上菩薩摩訶薩於先佛所深種善根通達般若波
羅蜜多具諸方便我當往彼聽受般若波羅蜜多及
問斯義以是緣故我今至此而得瞻禮菩薩大士我
心歡喜深自慶快猶如苾芻得第三禪樂大士如我

6 7 8 9 10 1 2 3 4 5 6 7 8 9

20 1

2 3 4 5 6 7 8 9 30 1 2 3 4

4

卷二十五

三

海西

向於三摩地中所見如來而不知彼從何所來去至
何所唯願大士示教於我令我常得見佛世尊

法上菩薩品第三十一

爾時法上菩薩摩訶薩謂常啼菩薩摩訶薩言善男
子如來者無所從來亦無所去何以故真如無動真
如卽是如來不生法無來無去不生法卽是如來實
際無來無去實際卽是如來空性無來無去空性卽
是如來無染法無來無去無染法卽是如來寂滅無
來無去寂滅卽是如來虛空無來無去虛空卽是如
來善男子離如是等法無別有法可名如來此復云

何所謂如來真如一切法真如同是一真如是如無
分別無二亦無三善男子譬如春末夏初於日中分
陽焰動發若時有人於中求水於汝意云何彼水從
何所來爲從東海來耶南西北海來耶其去亦然常
啼菩薩言彼陽焰中無水可得況復有來及有去耶
但是愚癡無智虛妄所見法上菩薩言善男子一切
如來亦復如是若人著於色相及以音聲觀諸如來
若來若去起分別者當知是人愚癡無智虛妄所見
何以故如來者是卽法身非色身可見善男子法性
無來無去一切如來亦復如是無來無去又如幻師

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

幻化所作象兵馬兵車兵步兵如是四兵幻所作故無來無去一切如來亦復如是無來無去又如有人於其夢中或見一佛二佛三四五佛乃至百千諸佛善男子而彼諸佛從何所來去至何所常啼菩薩言大士夢所不實無決定法於是法中何有去來法上菩薩言一切如來亦復如是如佛所說一切法如夢有人不能如實了知一切法如夢故卽以色相音聲語言名字執著分別諸佛如來若來若去善男子於是法中不如實知虛妄分別者當知是等名愚異生受生死身輪轉諸趣遠離般若波羅蜜多遠離一

切佛法善男子若人如實了知如佛所說一切法如夢於是法中卽無有法若來若去是故無所分別如實了知一切如來無來無去不生不滅如是知者是爲見法是爲知法是人卽近阿耨多羅三藐三菩提是行般若波羅蜜多不虛受其國中信施能與世間作大福田善男子又如大海出種種寶是寶不從東方而來亦復不從南西北方四維上下諸方而來但是一切衆生所作福業共感報應是故大海出諸珍寶是寶一一從因緣生亦不無因緣生因緣和合卽有因緣散滅卽無有亦不從十方來無亦不至十方

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

去諸如來身亦復如是不從十方來不至十方去但以因緣和合所生亦不住因緣法亦不無因緣生因緣和合卽生因緣離散卽滅生亦不從十方來滅亦不至十方去善男子又如箜篌有絃有槽有槐若人以手鼓擊出聲是聲無所從來不從絃出不從槽出不從槐出不從手出但以因緣和合有聲因緣散滅卽無有聲是聲滅已亦無所至善男子諸佛如來亦復如是從一切相應善根種種因緣如理出生非一因一緣一善根生亦不無因緣生緣合故生生而無來緣散故滅滅而無去善男子汝當如是如實了知

諸佛如來無來無去若知諸佛無來去故卽住一切法無生無滅如是知者是行般若波羅蜜多善巧方便決定得成阿耨多羅三藐三菩提爾時法上菩薩摩訶薩說是諸佛如來無來無去法時三千大千世界六種震動現十八相所謂動徧動等徧動吼徧吼等徧吼震徧震等徧震涌徧涌等徧涌爆徧爆等徧爆擊徧擊等徧擊現如是等十八相已一切魔宮隱蔽不現非時開敷種種異華大地一切華樹菓樹皆悉傾向法上菩薩摩訶薩帝釋天主四大天王及欲界諸天子衆於虛空中雨天妙華向法上菩薩摩訶

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

薩散擲供養又復以諸天華散於常啼菩薩摩訶薩上作如是言善哉善哉常啼菩薩我等因仁者故今日於法上菩薩摩訶薩所得聞最上甚深正法我等今日得大善利斯爲世間第一希有爾時常啼菩薩摩訶薩白法上菩薩摩訶薩言以何因緣大地震動及現諸相法上菩薩言善男子我向爲汝說諸佛如來無來去法乃有是相爾時有八千人得無生法忍八千那庾多人發阿耨多羅三藐三菩提心六萬四千人遠塵離垢得法眼淨爾時常啼菩薩摩訶薩聞此法已心大慶快踊躍歡喜作如是言我於今日得最上利以求般若波羅蜜多因緣故於善知識所
得聞諸佛如來無來去法我今已得圓滿如是善根決定不退轉於阿耨多羅三藐三菩提作是語已轉復歡喜踊身虛空高七多羅樹於虛空中作是思惟我今復從何得上妙香華供養法上菩薩摩訶薩爾時帝釋天主知常啼菩薩心所念已卽以天曼陀羅華奉上常啼菩薩摩訶薩天主作是言善男子汝可持此妙華供養法上菩薩摩訶薩我今助成於汝利益無量無數衆生時常啼菩薩摩訶薩受帝釋天主所奉華已卽以此華向法上菩薩摩訶薩散擲供養

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

佛母出生說第廿五

三

法華經

華供養已合掌恭敬作如是言菩薩大士我從今日當以已身奉事菩薩給侍供養作是說已從空中下住菩薩前爾時長者女并五百侍女俱白常啼菩薩摩訶薩言我等各以已身奉上於汝給侍供養并其五百乘車亦同奉上願我世世所生常得與汝同種善根常相值遇常同親近諸佛菩薩恭敬供養我所獻身願垂納受爾時常啼菩薩摩訶薩告長者女等言汝等若以誠心奉我我有所行皆隨順者我卽納受長者女等言我等誠心奉上於汝凡諸所作我等隨順爾時常啼菩薩摩訶薩爲納受已卽白法上菩

薩摩訶薩言今此長者女并五百侍女乃至寶嚴五百乘車悉廻奉上菩薩大士願垂納受爾時帝釋天主讚常啼菩薩摩訶薩言善哉善哉善男子如是喜捨甚爲希有若菩薩摩訶薩能如是捨者速得阿耨多羅三藐三菩提通達般若波羅蜜多善巧方便善男子過去諸佛如來應供正等正覺本行菩薩道時皆如汝今行是捨行勤求般若波羅蜜多因緣亦如汝今等無有異爾時法上菩薩摩訶薩爲欲成就常啼菩薩摩訶薩善根故卽受是長者女等受已卽時復與常啼菩薩摩訶薩爾時法上菩薩摩訶薩過日

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

後分從法座起卽入宮舍是時常啼菩薩摩訶薩卽作是念我今爲求法故宜應精進當於一事若行若立待法上菩薩摩訶薩還出宮舍復登法座我當聽受甚深正法爾時法上菩薩摩訶薩常入般若波羅蜜多三摩地及無量無數菩薩三摩地於是諸三摩地中住經七歲常啼菩薩摩訶薩亦於七歲中若行若立未嘗坐臥不念飲食不生疲倦但念法上菩薩摩訶薩當於何時出三摩地還登法座令我得聞般若波羅蜜多是時常啼菩薩於法座所散種種華彼長者女及五百侍女亦學常啼菩薩於七歲中若行若立未嘗坐臥不念飲食不生疲倦亦復一心待彼菩薩出三摩地爾時常啼菩薩摩訶薩以樂法心勤精進故忽聞空中有聲告曰法上菩薩後當七日出三摩地常啼菩薩聞是空中聲已心大慶快踊躍歡喜於法座所與長者女并五百侍女以種種寶清淨嚴飾時長者女等各各脫身所著妙衣積以爲座當令法上菩薩摩訶薩安處其座爾時常啼菩薩卽於是處周行求水爲灑其地是時諸魔隱蔽諸水悉令不現魔作是念常啼菩薩求水不得心當生苦心生苦故退失道意善根不增爾時常啼菩薩摩訶薩知

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

是魔力所隱蔽已卽作是念我今應自破身出血於法座所爲灑其地何以故塵土坌汙菩薩當座非所清淨我今爲求無上法故設破已身何所吝惜又復我從世世已來以欲因緣受生死身輪轉諸趣唐捐其功終無利益不會爲此清淨法故捨自身命是故今時宜應精進作是念已卽執利刀破身出血而灑其地彼長者女并五百侍女亦學常啼菩薩破身出血而灑其地彼常啼菩薩并長者女等勇猛堅固作是事已善根增長彼諸惡魔不得其便爾時帝釋天主以其天眼觀是事已卽作是念常啼菩薩摩訶薩

甚爲希有發大勇猛被堅固鎧不惜身命爲求法故爲欲成就阿耨多羅三藐三菩提廣度一切衆生出輪迴苦發大精進甚爲希有帝釋天主作是念已卽令其地血所灑處變成赤栴檀香水百由旬皆栴檀香爾時帝釋天主卽讚常啼菩薩摩訶薩言善哉善哉善男子汝今爲求無上法故發大精進過去諸佛如來應供正等正覺本行菩薩道時亦如汝今等無有異爾時常啼菩薩摩訶薩復作是念法上菩薩摩訶薩當說法時我無香華將何供養帝釋天主知所念已卽以千斛天曼陀羅華奉上常啼菩薩摩訶

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

薩爾時常啼菩薩摩訶薩受是華已等分其半先散座側爾時法上菩薩摩訶薩過是七日已從三摩地出還詣法座安處其上與無數百千大衆恭敬圍繞時常啼菩薩摩訶薩見法上菩薩摩訶薩處于座已心大歡喜譬如苾芻得第三禪樂卽持帝釋所奉天曼陀羅華先所分者向法上菩薩摩訶薩散擲供養已合掌諦心聽受宣說般若波羅蜜多甚深正法爾時法上菩薩摩訶薩因常啼菩薩摩訶薩故謂諸衆言汝等當知一切法平等般若波羅蜜多亦平等一切法離般若波羅蜜多亦離一切法無動般若波羅蜜多亦無動一切法無念般若波羅蜜多亦無念一切法無畏般若波羅蜜多亦無畏一切法無味般若波羅蜜多亦無味一切法無邊般若波羅蜜多亦無邊一切法無生般若波羅蜜多亦無生一切法無滅般若波羅蜜多亦無滅虛空無邊般若波羅蜜多亦無邊大海無邊般若波羅蜜多亦無邊須彌山莊嚴般若波羅蜜多亦莊嚴虛空無分別般若波羅蜜多亦無分別色無邊般若波羅蜜多亦無邊受想行識無邊般若波羅蜜多亦無邊地界無邊般若波羅蜜多亦無邊水界火界風空界識界無邊般若波羅蜜

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

蜜多亦無邊金剛喻法平等般若波羅蜜多亦平等
 一切法無分別般若波羅蜜多亦無分別一切法無
 所得般若波羅蜜多亦無所得一切法平等無性般
 若波羅蜜多亦平等無性一切法無壞般若波羅蜜
 多亦無壞一切法不可思議般若波羅蜜多亦不可
 思議爾時常啼菩薩摩訶薩聞是法已卽於會中得
 入一切法平等三摩地一切法離三摩地一切法無
 動三摩地一切法無念三摩地一切法無畏三摩地
 一切法無念三摩地一切法無畏三摩地一切法無
 生三摩地一切法無滅三摩地虛空無邊三摩地大

海無邊三摩地須彌山莊嚴三摩地虛空無分別三
 摩地色無邊三摩地受想行識無邊三摩地地界無
 邊三摩地水火風空識界無邊三摩地金剛喻法平
 等三摩地一切法無分別三摩地一切法無所得三
 摩地一切法平等無性三摩地一切法無壞三摩地
 一切法不可思議三摩地常啼菩薩摩訶薩得入如
 是等六萬三摩地門於是諸三摩地中得見十方如
 殇伽沙數三千大千世界如殇伽沙數諸佛世尊各
 與菩薩聲聞人天大衆以如是名字如是章句宣說
 般若波羅蜜多如法上菩薩摩訶薩今此會中有諸

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

大衆恭敬圍繞以如是名字如是章句宣說般若波羅蜜多等無有異爾時佛告須菩提言如我所說彼常啼菩薩摩訶薩以如是等種種方便精進堅固勤求般若波羅蜜多而彼菩薩於彼法上菩薩摩訶薩所得聞般若波羅蜜多得入諸三摩地門從三摩地出已卽得多聞具足如大海水深廣無邊於現生中常得見佛世世所生生諸佛刹乃至於刹那間亦不暫離諸佛世尊須菩提當知求般若波羅蜜多者有如是等功德利益是故今我法中菩薩摩訶薩諸求般若波羅蜜多者亦應如是求

曇曜品第三十二

爾時佛告尊者阿難言汝今當知般若波羅蜜多者是諸佛母出生諸佛一切智智阿難若欲行般若波羅蜜多者應當於此甚深正法受持讀誦記念思惟爲人演說乃至書寫一句一偈置清淨處以寶函盛尊重恭敬卽以種種金銀珍寶香華燈塗幢旛寶蓋等廣大供養乃至一香一華一禮一讚隨其所應恭敬供養當知是人則受我敎我所稱讚阿難佛是汝大師不阿難白佛言世尊佛是我大師我是佛弟子佛言阿難汝今是我弟子汝於現世給侍恭敬尊重

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

於我我涅槃後汝當恭敬尊重供養此般若波羅蜜多甚深正法是卽恭敬尊重於我是爲最大報佛恩者阿難我今以是般若波羅蜜多甚深正法付囑於汝汝當受持慎勿忘失宣通流布使不斷絕阿難汝當精進助宣此法莫作末後斷佛種人第二第三如是囑累阿難白佛言如世尊勅我當奉持如世尊勅我當奉持如是三而已佛言阿難當知隨爾所時此般若波羅蜜多正法在世卽爾所時諸佛世尊在世說法又復阿難若有善男子善女人於此般若波羅蜜多甚深正法愛樂恭敬受持讀誦正念思惟爲人

演說乃至書寫尊重供養者當知是善男子善女人世世所生常得見佛聽受正法佛說此經已慈氏等諸菩薩摩訶薩尊者須菩提尊者舍利子尊者阿難等諸大聲聞衆并帝釋天主等乃至一切世間天人阿修羅等聞佛所說皆大歡喜信受奉行

佛母出生三法藏般若波羅蜜多經卷第二十五

音釋

療力嶠切
治也

體部禮切

瘞薄官切

牒以輒
瘡痕也

槐切

毗音

空蒲

悶閼

ナ
一
十三

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4